



大佛頂首楞嚴經

小萬柳堂寫本  
卷第六至卷第十



大佛頂如來密因修證了義諸菩薩萬行首楞嚴經  
卷第六

唐天竺沙門般刺密帝譯


烏菴國沙門彌伽釋迦譯語

菩薩戒弟子前正議大夫同中書門下平章

事清河房融筆受

清桐城女子吳芝瑛寫本

爾時觀世音菩薩即從座起頂禮佛足而白佛言世  
尊憶念我昔無數恒河沙劫於時有佛出現於世名  
觀世音我於彼佛發菩提心彼佛教我從聞思修入



三摩地初於聞中入流亡所所入既寂動靜二相了然不生如是漸增聞所聞盡盡聞不住覺所覺空空覺極圓空所空滅生滅既滅寂滅現前忽然超越世出世間十方圓明獲二殊勝一者上合十方諸佛本妙覺心與佛如來同一慈力二者下合十方一切六道眾生與諸眾生同一悲仰世尊由我供養觀音如來蒙彼如來授我如幻聞熏聞修金剛三昧與佛如來同慈力故令我身成三十二應入諸國土世尊若諸菩薩入三摩地進修無漏勝解現圓我現佛身而為說法令其解脫若諸有學寂靜妙明勝妙現圓我

於彼前現獨覺身而為說法令其解脫若諸有學斷十二緣緣斷勝性勝妙現圓我於彼前現緣覺身而為說法令其解脫若諸有學得四諦空修遁入滅勝性現圓我於彼前現聲聞身而為說法令其解脫若諸眾生欲心明悟不犯欲塵欲身清淨我於彼前現梵王身而為說法令其解脫若諸眾生欲為天主統領諸天我於彼前現帝釋身而為說法令其成就若諸眾生欲身自在遊行十方我於彼前現自在天身而為說法令其成就若諸眾生欲身自在飛行虛空我於彼前現大自在天身而為說法令其成就若諸

眾生愛統鬼神救護國土我於彼前現天大將軍身  
而為說法令其成就若諸眾生愛統世界保護眾生  
我於彼前現四天王身而為說法令其成就若諸眾  
生愛生天宮驅使鬼神我於彼前現四天王國太子  
身而為說法令其成就若諸眾生樂為人王我於彼  
前現人王身而為說法令其成就若諸眾生愛主族  
姓世間推讓我於彼前現長者身而為說法令其成  
就若諸眾生愛談名言清淨自居我於彼前現居士  
身而為說法令其成就若諸眾生愛治國土剖斷邦  
邑我於彼前現宰官身而為說法令其成就若諸眾

生愛諸數術攝衛自居我於彼前現婆羅門身而為  
說法令其成就若有男子好學出家持諸戒律我於  
彼前現比丘身而為說法令其成就若有女人好學  
出家持諸禁戒我於彼前現比丘尼身而為說法令  
其成就若有男子樂持五戒我於彼前現優婆塞身  
而為說法令其成就若有女子五戒自居我於彼前  
現優婆夷身而為說法令其成就若有女人內政立  
身以修家國我於彼前現女主身及國夫人命婦大  
家而為說法令其成就若有眾生不壞男根我於彼  
前現童男身而為說法令其成就若有處女愛樂處

身不求侵暴我於彼前現童女身而為說法令其成就若有諸天樂出天倫我現天身而為說法令其成就若有諸龍樂出龍倫我現龍身而為說法令其成就若有藥叉樂度本倫我於彼前現藥叉身而為說法令其成就若乾闥婆樂脫其倫我於彼前現乾闥婆身而為說法令其成就若阿修羅樂脫其倫我於彼前現阿修羅身而為說法令其成就若緊那羅樂脫其倫我於彼前現緊那羅身而為說法令其成就若摩呼羅伽樂脫其倫我於彼前現摩呼羅伽身而為說法令其成就若諸眾生樂人修人我現人身而

楞嚴經卷六第四葉

為說法令其成就若諸非人有形無形有想無想樂度其倫我於彼前皆現其身而為說法令其成就是名妙淨三十二應入國土身皆以三昧聞熏聞修無作妙力自在成就世尊我復以此聞熏聞修金剛三昧無作妙力與諸十方三世六道一切眾生同悲仰故令諸眾生於我身心獲十四種無畏功德一者由我不自觀音以觀觀者令彼十方若娑羅眾生觀其音聲即得解脫二者知見旋復令諸眾生設入大火火不能燒三者觀聽旋復令諸眾生大水所漂水不能溺四者斷滅妄想心無殺害令諸眾生入諸鬼國鬼

不能害五者熏聞成聞六根銷復同於聲聽能令眾  
生臨當被害刀段段壞使其兵戈猶如割水亦如吹  
光性無搖動六者聞熏精明明徧法界則諸幽暗性  
不能全能令眾生樂又羅刹鳩槃荼鬼及毗舍遮富  
單那等雖近其徧目不能視七者音性圓銷觀聽返  
入離諸塵妄能令眾生禁繫枷鎖所不能著八者滅  
音圓聞徧生慈力能令眾生經過險路賊不能劫九  
者熏聞離塵色所不劫能令一切多婬眾生遠離貪  
欲十者純音無塵根境圓融無對所對能令一切忿  
恨眾生離諸瞋恚十一者銷塵旋明法界身心猶如

楞嚴經卷六第五葉

瑠璃朗徹無礙能令一切昏鈍性障諸阿顛迦永離  
癡暗十二者融形復聞不動道場涉入世間不壞世  
界能徧十方供養微塵諸佛如來各各佛邊為法王  
子能令法界無子眾生欲求男者誕生福德智慧之  
男十三者六根圓通明照無二含十方界立大圓鏡  
空如來藏承順十方微塵如來秘密法門受領無失  
能令法界無子眾生欲求女者誕生端正福德柔順  
眾人愛敬有相之女十四者以三千大千世界百億  
日月現住世間諸法王子有六十二恒河沙數修法  
垂範教化眾生隨順眾生方便智慧各各不同由我

所得圓通本根發妙耳門然後身心微妙含容周徧  
法界能令眾生持我名號與彼共持六十二恒河沙  
諸法王子二人福德正等無異世尊我一名號與彼  
眾多名號無異由我修習得真圓通是名十四施無  
畏力福備眾生世尊我又獲是圓通修證無上道故  
又能善獲四不思議無作妙德一者由我初獲妙妙  
聞心心精遺聞見聞覺知不能分降成一圓融清淨  
寶覺故我能現眾多妙容能說無邊秘密神呪其中  
或現一首三首五首七首九首十一首如是乃至一  
百八首千首萬首八萬四千爍迦羅首二臂四臂六

楞嚴經卷第六葉

臂八臂十臂十二臂十四十六十八二十至二十四  
如是乃至一百八臂千臂萬臂八萬四千母陀羅臂  
二目三目四目九目如是乃至一百八目千目萬目  
八萬四千清淨寶目或慈或威或定或慧救護眾生  
得大自在二者由我聞思脫出六塵如聲度垣不能  
為礙故我妙能現一一形誦一一呪其形其呪能以  
無畏施諸眾生是故十方微塵國土皆名我為施無  
畏者三者由我修習本妙圓通清淨本根所遊世界  
皆令眾生捨身珍寶求我哀愍四者我得佛心證於  
究竟能以珍寶種種供養十方如來徧及法界六道



眾生求妻得妻求子得子求三昧得三昧求長壽得長壽如是乃至求大涅槃得大涅槃佛問圓通我從耳門圓照三昧緣心自在因入流相得三摩提成就菩提斯為第一世尊彼佛如來歎我善得圓通法門於大會中授記我為觀世音諦由我觀聽十方圓明故觀音名徧十方界爾時世尊於師子座從其五體同放寶光遠灌十方微塵如來及法王子諸菩薩頂彼諸如來亦於五體同放寶光從微塵方來灌佛頂并灌會中諸大菩薩及阿羅漢林木池沼皆演法音交光相羅如寶絲網是諸大眾得未曾有一切普獲

楞嚴經卷六第七葉

金剛三昧即時天雨百寶蓮華青黃赤白間錯紛糅十方虛空成七寶色以娑婆界大地山河俱時不現唯見十方微塵國土合成一界梵唄詠歌自然敷奏於是如來告文殊師利法王子汝今觀此二十五無學諸大菩薩及阿羅漢各說家初成道方便皆言修習真實圓通彼等修行實無優劣前後差別我今欲令阿難開悟二十五行誰當其根兼我滅後此界眾生入菩薩乘求無上道何方便門得易成就文殊師利法王子奉佛慈旨即從座起頂禮佛足承佛威神說偈對佛

覺海性澄圓  
 圓澄覺元妙  
 元明照生所  
 所立照性亡  
 迷妄有虛空  
 依空立世界  
 想澄成國土  
 知覺乃眾生  
 空生大覺中  
 如海一漚散  
 有漏微塵國  
 皆依空所生  
 涵滅空本無  
 況復諸三有  
 歸元性無二  
 方便有多門  
 聖性無不通  
 順逆皆方便  
 初心入三昧  
 遙速不同倫  
 色想結成塵  
 精了不能徹  
 如何不明徹  
 於是獲圓通  
 音聲雜語言  
 但伊名句味  
 一非含一切  
 云何獲圓通  
 香以合中知  
 離則元無有

楞嚴經卷六第八葉

不恆其所覺  
 云何獲圓通  
 味性非本然  
 要以味時有  
 其覺不恒一  
 云何獲圓通  
 觸以所觸明  
 無所不明觸  
 合離性非定  
 云何獲圓通  
 法稱為內塵  
 憑塵必有所  
 能所非徧妙  
 云何獲圓通  
 見性雖洞然  
 明前不明後  
 四維虧一半  
 云何獲圓通  
 鼻息出入通  
 現前無交氣  
 支離匪涉入  
 云何獲圓通  
 舌非入無端  
 因味生覺了  
 味亡了無有  
 云何獲圓通  
 身與所觸同  
 各非圓覺觀  
 涯量不冥會  
 云何獲圓通

知根雜亂思  
 云何獲圓通  
 自體先無定  
 生於大因力  
 鼻想本權機  
 云何獲圓通  
 名句非無漏  
 非身無所束  
 神通本宿因  
 云何獲圓通  
 湛了終無見  
 識見雜三和  
 云何獲圓通  
 初心不能入  
 祇令攝心住  
 說法弄音文  
 云何獲圓通  
 元非徧一切  
 何關法分別  
 若以地性觀  
 想念不可脫  
 詰本稱非相  
 心聞洞十方  
 云何獲圓通  
 住成心所住  
 開悟先成者  
 持犯但束身  
 云何獲圓通  
 念緣非離物  
 堅礙非通達

楞嚴經卷六第九葉

有為非聖性  
 想念非真實  
 若以火性觀  
 云何獲圓通  
 對非無上覺  
 昏鈍先非覺  
 若以識性觀  
 云何獲圓通  
 因果今殊感  
 佛出娑婆界  
 云何獲圓通  
 如如非覺觀  
 厭有非真離  
 若以風性觀  
 云何獲圓通  
 無覺異菩提  
 觀識非常住  
 諸行是無常  
 云何獲圓通  
 以方真教體  
 若以水性觀  
 云何獲圓通  
 非初心方便  
 動寂非無對  
 若以空性觀  
 云何獲圓通  
 存心乃虛妄  
 念性元生滅  
 我今白世尊  
 清淨在音聞

欲取三摩提  
良哉觀世音  
得大自在力  
梵音海潮音  
我今感如來  
十方俱擊鼓  
目非觀障外  
心念紛無緒  
五根所不齊  
聞中為有無

實以聞中入  
於恒沙劫中  
無畏施眾生  
救世老安甯  
如觀音所說  
十處一時聞  
口鼻亦復然  
障垣聽音響  
是則通真實  
無聲號無聞

離苦得解脫  
入微塵佛國  
妙音觀世音  
出世獲常住  
辟如人靜居  
此則圓真實  
身以合方知  
遐邇俱可聞  
音聲性動靜  
非實聞無性

楞嚴經卷六第十葉

聲無既無滅  
是則常真實  
覺觀出思維  
聲論得宣明  
阿難縱強記  
旋流獲無妄  
宣說金剛王  
汝聞微塵佛  
畜聞成過誤  
聞非自然生

聲有亦非生  
縱令在夢想  
身心不能及  
眾生迷本聞  
不免落邪思  
阿難汝諦聽  
如幻不思議  
一切秘密門  
將聞持佛佛  
因聲有名字

生滅二圓離  
不為不思無  
今以娑婆國  
循聲故流轉  
豈非隨所論  
我承佛威力  
佛母真三昧  
欲漏不先除  
何不自聞聞  
旋聞與聲脫

能脫欲誰名	見聞如幻翳	塵銷覺圓淨	却來觀世間	誰能留汝形	雖見諸根動	諸幻成無性	分成六和合	塵垢應念銷	明極即如來
一根既返源	三界若空華	淨極光通達	猶如夢中事	如世巧幻師	要以一機抽	六根亦如是	一處成休復	成圓明淨妙	大眾及阿難
六根成解脫	聞復翳根除	寂照含虛空	摩登伽在夢	幻作諸男女	息機歸寂然	元依一精明	六用皆不成	餘塵尚諸學	旋汝倒聞機

楞嚴經卷六第十一葉

反聞聞自性	此是微塵佛	斯門已成就	未來修學人	非唯觀世音	以救諸末劫	觀世音為最	即事捨塵勞	頂禮如來藏	於此門無惑
性成無上道	一路涅槃門	現在諸菩薩	當依如是法	誠如佛世尊	求出世間人	自餘諸方便	非是長修學	無漏不思議	方便易成就
圓通實如是	過去諸如來	今各入圓明	我亦從中證	詢我諸方便	成就涅槃心	皆是佛威神	淺深同說法	願加被未來	堪以教阿難

及末劫沈淪 但以此根修 圓通超餘者

真實心如是

於是阿難及諸大眾身心了然得大開示觀佛菩提  
及大涅槃猶如有人因事遠游未得歸還明了其家  
所歸道路普會大眾天龍八部有學二乘及諸一切  
新發心菩薩其數凡有十恒河沙皆得本心遠塵離  
垢獲法眼淨性比丘尼聞說偈已成阿羅漢無量眾  
生皆發無等等阿耨多羅三藐三菩提心阿難整衣  
服於大眾中合掌頂禮心迹圓明悲欣交集欲益未  
來諸眾生故瞽首白佛大悲世尊我今已悟成佛法

楞嚴經卷六第十二葉

門是中修行得無疑惑常聞如來說如是言自未得  
度先度人者菩薩發心自覺已圓能覺他者如來應  
世我雖未度願度末劫一切眾生世尊此諸眾生去  
佛漸遠邪師說法如恒河沙欲攝其心入三摩地云  
何令其安立道場遠諸魔事於菩提心得無退屈爾  
時世尊於大眾中稱讚阿難善哉善哉如汝所問安  
立道場救護眾生末劫沈溺汝今諦聽當為汝說阿  
難大眾唯然奉教佛告阿難汝常聞我毗奈耶中宣  
說修行三決定義所謂攝心為戒因戒生定因定發  
慧是則名為三無漏學阿難云何攝心我名為戒若

諸世界六道眾生其心不婬則不隨其生死相續汝  
修三昧本出塵勞婬心不除塵不可出縱有多智禪  
定現前如不斷婬必落魔道上品魔王中品魔民下  
品魔女彼等諸魔亦有徒眾各各自謂成無上道我  
滅度後末法之中多此魔民熾盛世間廣行貪婬為  
善知識令諸眾生落愛見坑失菩提路汝教世人修  
三摩地先斷心婬是名如來先佛世尊第一決定清  
淨明誨是故阿難若不斷婬修禪定者如蒸砂石欲  
其成飯經百千劫祇名熱砂何以故此非飯本砂石  
成故汝以婬身求佛妙果縱得妙悟皆是婬根根本

楞嚴經卷六第十三葉

成婬輪轉三塗必不能出如來涅槃何路修證必使  
婬機身心俱斷斷性亦無於佛菩提斯可希冀如我  
此說名為佛說不如說即波旬說阿難又諸世界  
六道眾生其心不殺則不隨其生死相續汝修三昧  
本出塵勞殺心不除塵不可出縱有多智禪定現前  
如不斷殺必落神道上品之人為大力鬼中品則為  
飛行夜叉諸鬼神等下品當為地行羅刹彼諸鬼神  
亦有徒眾各各自謂成無上道我滅度後末法之中  
多此鬼神熾盛世間自言食肉得菩提路阿難我令  
比丘食五淨肉以肉皆我神力化生本無命根汝婆

羅門地多蒸溼加以砂石草萊不生我以大悲神力  
所加因大慈悲假名為肉汝得其味奈何如來滅度  
之後食眾生肉名為釋子汝等當知是食肉人縱得  
心開似三摩地皆大羅刹報終必沈生死苦海非佛  
弟子如是之人相殺相吞相食未已云何是人得出  
三界汝教世人修三摩地次斷殺生是名如來先佛  
世尊第二決定清淨明誨是故阿難若不斷殺修禪  
定者譬如有人自塞其耳高聲大叫求人不聞此等  
名為欲隱彌露清淨比丘及諸菩薩於歧路行不蹋  
生草况以手拔云何大悲取諸眾生血肉充食若諸

楞嚴經卷六第十四葉

比丘不服東方絲絲絹帛及是此土靴履裘毳乳酪  
醍醐如是比丘於世真脫酬還宿責不游三界何以  
故服其身分皆為彼緣如人食其地中百穀足不離  
地必使身心於諸眾生若身身分身心二塗不服不  
食我說是人真解脫者如我此說名為佛說不如此  
說即波旬說阿難又復世界六道眾生其心不偷則  
不隨其生死相續汝修三昧本出塵勞偷心不除塵  
不可出縱有多智禪定現前如不斷偷必落邪道上  
品精靈中品妖魅下品邪人諸魅所著彼等羣邪亦  
有徒眾各各自謂成無上道我滅度後末法之中多



此妖邪熾盛世間潛匿姦欺稱善知識各自謂已得  
上人法誑惑無識恐令失心所過之處其家耗散我  
教比丘偕方乞食令其捨貪成菩提道諸比丘等不  
自熟食寄於殘生旅泊三界示一往還去已無返云  
何賊人假我衣服裨販如來這種種業皆言佛法却  
非出家具戒比丘為小乘道由是疑誤無量眾生墮  
無間獄若我滅後其有比丘發心決定修三摩提能  
於如來形像之前身然一燈燒一拍節及於身上熟  
一香炷我說是人無始宿責一時酬畢長揖世間永  
脫諸漏雖未即明無上覺路是人於法已決定心若

楞嚴經卷六第十五葉

不為此捨身微因縱成無為必還生人酬其宿責如  
我馬麥心等無異汝教世人修三摩地後斷偷盜是  
名如來先佛世尊第三決定清淨明誨是故阿難若  
不斷偷修禪定者譬如有人水灌漏卮欲求其滿縱  
經塵劫終無平復若諸比丘衣鉢之餘分寸不畜乞  
食餘分施餓眾生於大集會合掌禮眾有人捶詈同  
於稱讚必使身心二俱捐捨身肉骨血與眾生共不  
將如來不了義說迴為已解以誤初學佛印是人得  
真三昧如我所說名為佛說不如此說即波旬說阿  
難如是世界六道眾生雖則身心無殺盜婬三行已

圓若大妄語即三摩提不得清淨成愛見魔失如來  
種所謂未得謂得未證言證或求世間尊勝第一謂  
前人言我今已得須陀洹果斯陀含果阿那含果阿  
羅漢道辟支佛乘十地地前諸位菩薩求彼禮懺貪  
其供養是一顛迦銷滅佛種如人以刀斷多羅木佛  
記是人永殞善根無復知見沈三苦海不成三昧我  
滅度後勅諸菩薩及阿羅漢應身生彼末法之中作  
種種形度諸輪轉或作沙門白衣居士人王宰官童  
男童女如是乃至媼女窶婦姦偷屠販與其同事稱  
讚佛乘令其身心入三摩地終不自言我真菩薩真

楞嚴經卷六第十六葉

阿羅漢洩佛密因輕言未學唯除命終陰有遺付云  
何是人惑亂眾生成大妄語汝教世人修三摩地後  
復斷除諸大妄語是名如來先佛世尊第四決定清  
淨明誨是故阿難若不斷其大妄語者如刻人糞為  
梅檀形欲求香氣無有是處我教比丘直心道場於  
四威儀一切行中尚無虛假云何自稱得上人法辟  
如窮人妄歸帝王自取誅滅況復法王如何妄竊因  
地不真果招紆曲求佛菩提如啞瘖人欲誰成就若  
諸比丘心如直弦一切真實入三摩提永無魔事我  
印是人成就菩薩無上知覺如我所說名為佛說不

如此說即波旬說  
大佛頂如來密因修證了義諸菩薩萬行首楞嚴經  
卷第六

楞嚴經卷七第一葉

大佛頂如來密因修證了義諸菩薩萬行首楞嚴經  
卷第七

唐天竺沙門般刺密帝譯

烏菴國沙門彌伽釋迦譯語

菩薩戒弟子前正議大夫同中書門下平章

事清河房融筆受

清桐城女子吳芝瑛寫本

阿難汝問攝心我今先說入三摩地修學沙門求菩  
薩道要先持此四種律儀皎如冰霜自不能生一切  
枝葉心三口四生必無因阿難如是四事若不遺失

心尚不緣色香味觸一切魔事云何發生若有宿習不能滅除汝教是人一心誦我佛頂光明摩訶薩怛多般怛羅無上神呪斯是如來無見頂相無為心佛從頂發輝坐寶蓮華所說心呪且汝宿世與摩登伽歷劫因緣恩愛習氣非是一生及與一劫我一宣揚愛心永脫成阿羅漢彼尚媼女無心修行神力冥資速證無學云何汝等在會聲聞求寂上乘決定成佛譬如以塵揚於順風有何艱險若有末世欲坐道場先持比丘清淨戒要當選擇戒清淨者第一沙門以為其師若其不遇真清淨僧汝戒律儀必不成就

楞嚴經卷七第二葉

戒成已後著新淨衣然香間居誦此心佛所說神呪一百八徧然後結界建立道場求於十方現任國土無上如來放大悲光來灌其頂阿難如是末世清淨比丘若比丘尼白衣檀越心滅貪媼持佛淨戒於道場中發菩薩願出入澡浴六時行道如是不寐經三七日我自現身至其人前摩頂安慰令其開悟阿難白佛言世尊我蒙如來無上悲誨心已開悟自知修證無學道成末法修行建立道場云何結界合佛世尊清淨軌則佛告阿難若末世人願立道場先取雪山大力白牛食其山中肥膩香草以牛唯飲雪山清

水其糞微細可取其糞和合梅檀以泥其地若非雪山其牛臭穢不堪塗地別於平原穿去地皮五尺已下取其黃土和上梅檀沈水蘇合薰陸鬱金白膠青木零陵甘松及雞舌香以十種細羅為粉合土成泥以塗場地方圓丈六為八角壇壇心置一金銀銅木所造蓮華華中安鉢鉢中先盛八月露水水中隨安所有華葉取八圓鏡各安其方圍繞華鉢鏡外建立十六蓮華十六香鑪間華鋪設莊嚴香鑪純燒沈水無令見火取白牛乳置十六器乳為煎餅并諸砂糖油餅乳糜蘇合蜜薑純酥純蜜於蓮華外各各十

六圍繞華外以奉諸佛及大菩薩每以食時若在中夜取蜜半升用酥三合壇前別安一小火鑪以兜樓婆香煎取香水沐浴其炭然令猛熾投是酥蜜於炎鑪內燒令烟盡享佛菩薩令其四外徧懸幡華於壇室中四壁敷設十方如來及諸菩薩所有形像應於當陽張盧舍那釋迦彌勒阿閼彌陀諸大變化觀音形像兼金剛藏安其左右帝釋梵王烏芻瑟摩并藍地迦諸軍荼利與毗俱胝四天王等頻那夜迦張於門側左右安置又取八鏡覆懸虛空與壇場中所安之鏡方圓相對使其形影重重相涉於初七中至誠

頂禮十方如來諸大菩薩阿羅漢恒於六時誦呪  
圍壇至心行道一時常行一百八徧弟二七中一向  
專心教菩薩願心無間斷我毗奈耶先有願教弟三  
七中於十二時一向持佛般怛羅呪至第七日十方  
如來一時出現鏡交光處承佛摩頂即於道場修三  
摩地能令如是末世修學身心明淨猶如瑠璃阿難  
若此比丘本受戒師及同會中十比丘等其中有一  
不清淨者如是道場多不成就從三七後端坐安居  
經一百日有利根者不起於座得須陀洹縱其身心  
聖果未成決定自知成佛不謬汝問道場建立如是

楞嚴經卷七第四葉

阿難頂禮佛足而白佛言自我出家恃佛憐愛求多  
聞故未證無為遭彼梵天邪術所禁心雖明了力不  
自由賴遇文殊令我解脫雖蒙如來佛頂神呪冥獲  
其力尚未親聞唯願大慈重為宣說悲救此會諸修  
行輩末及當來在輪迴者承佛密音身意解脫於時  
會中一切大眾普皆作禮佗聞如來秘密章句爾時  
世尊從肉髻中涌百寶光光中涌出千葉寶蓮有化  
如來坐寶華中頂放十道百寶光明一一光明徧  
示現十恒河沙金剛密迹擎山持杵徧虛空界大眾  
仰觀畏愛兼抱求佛哀祐一心聽佛無見頂相放光

如來宣說神呪

南無薩怛他蘇伽多耶阿羅訶帝三藐三菩陀高薩  
怛他佛陀俱胝瑟尼釤南無薩婆勃陀勃地薩跢鞞  
弊南無薩多南三藐三菩陀俱知南安舍囉婆迦僧  
伽喃南無盧難阿羅漢跢喃南無蘇盧多波那喃南  
無娑羯唎陀伽彌喃南無盧難三藐伽跢喃三藐伽  
婆囉底波多那喃南無提婆離瑟赦南無悉陀耶毗  
地耶陀囉離瑟赦舍波奴揭囉訶娑訶娑囉摩他喃  
南無跋囉訶摩泥南無因陀囉耶南無婆伽婆帝嚧  
陀囉耶烏摩般帝娑醯夜耶南無婆伽婆帝那囉野

楞嚴經卷七第五葉

拏耶槃遮摩訶三慕陀囉南無悉羯唎多耶南無婆  
伽婆帝摩訶迦羅耶地唎般剌那伽囉毗陀囉波拏  
迦囉耶阿地目帝尸摩舍那泥婆悉泥摩怛唎伽拏  
南無悉羯唎多耶南無婆伽婆帝多他伽跢俱囉耶  
南無般頭摩俱囉耶南無跋闍羅俱囉耶南無摩尼  
俱囉耶南無伽闍俱囉耶南無婆伽婆帝帝唎茶輸  
囉西那波囉訶囉拏囉闍耶跢他伽多耶南無婆伽  
婆帝南無阿彌多婆耶哆他伽多耶阿囉訶帝三藐  
三菩陀耶南無婆伽婆帝阿剌鞞耶哆他伽多耶阿  
囉訶帝三藐三菩陀耶南無婆伽婆帝鞞沙闍耶俱

盧吠柱唎耶般囉婆囉閣耶跢他伽多耶南無婆伽  
婆帝三補師毖多薩憐捺囉刺閣耶跢他伽多耶阿  
囉訶帝三藐三善陀耶南無婆伽婆帝舍難野母那  
曳跢他伽多耶阿囉訶帝三藐三善陀耶南無婆伽  
婆帝刺旦那難都囉閣耶跢他伽多耶阿囉訶帝三  
藐三善陀耶帝瓢南無薩羯唎多翳曇婆伽婆多薩  
怛他伽都瑟尼釤薩怛多般怛嚩南無阿婆囉視耽  
般囉帝揚岐囉薩囉婆部多揭羅訶尼揭囉訶揭迦  
囉訶尼跋囉毖地耶叱陀你阿迦囉密唎柱般唎怛  
囉耶脩揭唎薩囉婆樂陀那目叉尼薩囉婆突瑟吒

楞嚴經卷七第六樂

突志之般那你伐囉尼赭都囉失帝南羯囉訶安訶  
薩囉若闍毗多崩娑那羯唎阿瑟吒冰舍帝南那叉  
刹怛囉若闍波囉薩陀那羯唎阿瑟吒南摩訶揭囉  
訶若闍毗多崩薩那羯唎薩婆舍都嚩你婆囉若闍  
呼藍突志之難遮那舍尼毖沙舍志怛囉阿吉尼烏  
陀迦囉若闍阿般囉視多具囉摩訶般囉戰持摩訶  
疊多摩訶帝闍摩訶稅多闍婆囉摩訶跋囉樂陀囉  
婆志你阿唎耶多囉毗唎俱知誓婆毗闍耶跋闍囉  
摩禮底毗舍嚩多勃騰固迦跋闍囉制唱那阿遮摩  
囉制婆般囉質多跋闍囉擅持毗舍囉遮扇多舍鞞



提婆補視多蘇摩嚧波摩訶稅多阿唎耶多囉摩訶  
婆囉阿般囉跋闍囉商羯囉制婆跋闍囉俱摩唎俱  
藍陀唎跋闍囉唱薩多遮毗地耶乾遮那摩唎迦囉  
蘇母婆羯囉跢那鞞嚧遮那俱唎耶夜囉莧瑟尼釤  
毗折藍婆摩尼遮跋闍囉迦那迦波囉婆嚧闍那跋  
闍囉頓稚遮稅多遮迦摩囉刹奢尸波囉婆翳帝夷  
帝母陀囉羯拏娑鞞囉懺掘梵都印免那麼麼寫  
烏斜唎瑟揭拏般刺舍志多薩怛他伽都瑟尼釤  
斜都嚧雍瞻婆那韦斜都盧雍志耽婆那韦斜都嚧  
雍波囉瑟地耶三般叉拏羯囉韦斜都盧雍薩婆藥

楞嚴經卷七第七葉

叉唱囉刹婆揭囉訶若闍毗騰崩薩那揭囉韦斜都  
嚧雍者都囉尸底南揭囉訶娑訶薩囉南毗騰崩薩  
那囉韦斜都盧雍囉叉婆伽梵薩怛他伽都瑟尼釤  
波囉點闍吉唎摩訶娑訶薩囉勃樹娑訶薩囉室唎  
沙俱知娑訶薩泥帝嚧阿弊提視婆唎多吒吒嬰迦  
摩訶跋闍嚧院囉帝唎菩婆那曼荼囉烏斜莎志帝  
薄婆都麼麼印免那麼麼寫  
囉闍婆夜主囉跋夜阿祇尼婆夜烏陀迦婆夜毗沙  
婆夜舍薩多囉婆夜婆囉斫羯囉婆夜突瑟叉婆夜  
阿舍你婆夜阿迦囉密唎柱婆夜陀囉尼部彌劍波

伽波陀婆夜烏囉迦婆多婆夜刺闍壇茶婆夜那伽  
婆夜毗條怛婆夜蘇波囉拏婆夜藥叉揭囉訶囉叉  
私揭囉訶畢唎多揭囉訶毗舍遮揭囉訶部多揭囉  
訶鳩槃荼揭囉訶補丹那揭囉訶迦吒補丹那揭囉  
訶耆乾度揭囉訶阿播耆摩囉揭囉訶烏檀摩陀揭  
囉訶車夜揭囉訶醯州婆帝揭囉訶社多訶唎南揭  
婆訶唎南爐地囉訶唎南忙娑訶唎南謎陀訶唎南  
摩闍訶唎南闍多訶唎女視比多訶唎南毗多訶唎  
南婆多訶唎南阿輸遮訶唎女質多訶唎女帝鈇薩  
鞞鈇薩婆揭囉訶南毗陀耶闍瞋陀夜彌雞囉夜彌

楞嚴經卷第七第八葉

波唎跋囉者迦訶唎擔毗陀夜闍瞋陀夜彌雞囉夜  
彌荼演尼訶唎擔毗陀夜闍瞋陀夜彌雞囉夜彌摩  
訶般輸般怛夜嚧陀囉訶唎擔毗陀夜闍瞋陀夜彌  
雞囉夜彌那囉夜拏訶唎擔毗陀夜闍瞋陀夜彌雞  
囉夜彌怛埵伽嚧荼西訶唎擔毗陀夜闍瞋陀夜彌  
雞囉夜彌摩訶迦囉摩怛唎伽拏訶唎擔毗陀夜闍  
瞋陀夜彌雞囉夜彌迦波唎迦訶唎擔毗陀夜闍瞋  
陀夜彌雞囉夜彌闍耶羯囉摩度羯囉薩婆囉他娑  
達那訶唎擔毗陀夜闍瞋陀夜彌雞囉夜彌耆咄囉  
婆耆你訶唎擔毗陀夜闍瞋陀夜彌雞囉夜彌毗唎

羊訖唎知難陀雞沙囉伽拏般帝索醯夜訖唎擔毗  
陀夜闍瞋陀夜彌雞囉夜彌那揭那舍囉婆拏訖唎  
擔毗陀夜闍瞋陀夜彌雞囉夜彌阿羅漢訖唎擔毗  
陀夜闍瞋陀夜彌雞囉夜彌毗多囉伽訖唎擔毗陀  
夜闍瞋陀夜彌雞囉夜彌跋闍囉波你具醯夜具醯  
夜迦地般帝訖唎擔毗陀夜闍瞋陀夜彌雞囉夜彌  
囉义固婆伽梵印兔那麼麼寫  
婆伽梵薩怛多般怛囉南無粹都帝阿耨多那囉剌  
迦波囉婆悉普吒毗迦薩怛多鉢帝唎什佛囉什佛  
囉陀囉陀囉頻陀囉頻陀囉瞋陀瞋陀聿斛聿斛聿

楞嚴經卷七第九葉

吒泮吒泮吒泮吒泮訖唎醯醯泮阿牟迦耶泮阿  
波囉提訶多泮婆囉波囉陀泮阿素囉毗陀囉波迦  
泮薩婆提鞞弊泮薩婆那伽弊泮薩婆藥叉弊泮薩  
婆乾闥婆弊泮薩婆補丹那弊泮迦吒補丹那弊泮  
薩婆突狼杳帝弊泮薩婆突澀比啤訖瑟帝弊泮薩  
婆什婆唎弊泮薩婆阿播志摩啤弊泮薩婆舍囉婆  
那弊泮薩婆地帝雞弊泮薩婆怛摩陀繼弊泮薩婆  
毗陀耶囉誓遮啤弊泮闍夜揭囉摩度羯囉薩婆羅  
他娑陀雞弊泮毗地夜遮唎弊泮耆都囉縛耆你弊  
泮跋闍囉俱摩唎毗陀夜囉誓弊泮摩訶波囉丁羊

又者唎弊泮跋闍囉商羯囉夜波囉丈耆囉闍耶泮  
摩訶迦囉夜摩訶末怛唎迦拏南無娑羯唎多夜泮  
娑瑟拏婢曳泮勃囉訶牟尼曳泮阿耆尼曳泮摩訶  
羯唎曳泮羯囉檀遲曳泮蔑怛唎曳泮嘑怛唎曳泮  
遮文荼曳泮羯邏囉怛唎曳泮迦般唎曳泮阿地目  
質多迦尸摩舍那婆私你曳泮演吉質薩埵婆寫麼  
麼印无那麼麼寫  
突瑟吒質多阿末怛唎質多烏闍訶囉伽婆訶囉嚧  
地囉訶囉婆娑訶囉摩闍訶囉闍多訶囉視娑多訶  
囉跋略夜訶囉乾陀訶囉布史波訶囉頗囉訶囉婆

楞嚴經卷七第十葉

寫訶囉般波質多突瑟吒質多嘑陀囉質多藥叉揭  
囉訶囉刹娑揭囉訶閉隸多揭囉訶毗舍遮揭囉訶  
部多揭囉訶鳩槃荼揭囉訶悉乾陀揭囉訶烏怛摩  
陀揭囉訶車夜揭囉訶阿播薩摩囉揭囉訶宅祛革  
荼耆尼揭囉訶唎佛帝揭囉訶闍彌迦揭囉訶舍俱  
尼揭囉訶妹陀囉難地迦揭囉訶阿藍婆揭囉訶乾  
度波尼揭囉訶什伐囉埵迦醯迦墜帝藥迦怛隸帝  
藥迦者突託迦旼提什伐囉娑釤摩什伐囉薄底迦  
鼻底迦室隸瑟密迦娑你般帝迦薩婆什伐囉室嚧  
吉帝末陀鞞達嚧刹劔阿綺嚧紺目佉嚧紺羯唎突

嚧紺揭囉訶揭藍羯拏輸藍憚多輸藍迄唎夜輸藍  
末麼輸藍跋唎室婆輸藍娑栗瑟吒輸藍烏陀囉輸  
藍羯知輸藍跋耆帝輸藍鄔盧輸藍常伽輸藍唱耆  
多輸藍跋陀輸藍娑房盎伽般囉丈伽輸藍部多娑  
跢荼茶耆尼什婆囉陀突嚧迦達咄嚧吉知婆路多  
毗薩般嚧訶凌伽輸沙但囉娑那羯囉毗沙喻迦阿  
耆尼烏陀迦末囉鞞囉達跢囉阿迦囉密唎咄但斂  
部迦地栗刺叱娑唎瑟質迦薩婆那俱囉肆引伽弊  
揭囉唎藥叉但囉芻末囉視吠帝鈇娑鞞鈇耆但多  
鉢但囉摩訶跋闍嚧瑟尼鈇摩訶般賴丈耆藍夜波

突陀舍喻闍那辯但隸拏毗陀耶槃曇迦嚧彌帝殊  
槃曇迦嚧彌般囉毗陀槃曇迦嚧彌跢姪他唵阿那  
隸毗舍提鞞囉跋闍囉陀唎槃陀槃陀你跋闍囉諷  
尼泮戾斜都嚧甕泮莎婆訶  
阿難是佛頂光聚耆但多般但羅秘密伽陀微妙章  
句出生十方一切諸佛十方如來因以呪心得成無  
上正徧知覺十方如來執以呪心降伏諸魔制諸外  
道十方如來乘此呪心坐寶蓮華應微塵國十方如  
來含此呪心於微塵國轉大法輪十方如來持此呪  
心能於十方摩頂授記自果未成亦於十方蒙佛授

記十方如來依此呪心能於十方拔濟羣苦所謂地  
獄餓鬼畜生盲聾瘡癰怨憎會苦愛別離苦求不得  
苦五陰熾盛大小諸橫同時解脫賊難兵難王難獄  
難風火水難饑渴貧窮應念銷散十方如來隨此呪  
心能於十方事善知識四威儀中供養如意恒沙如  
來會中推為大法王子十方如來行此呪心能於十  
方攝受親因令諸小乘聞祕密藏不生驚怖十方如  
來誦此呪心成無上覺坐菩提樹入大涅槃十方如  
來傳此呪心於滅度後付佛法事究竟住持嚴淨戒  
律悉得清淨若我說是佛頂光聚般怛羅呪從旦至

楞嚴經卷七第十二葉

暮音聲相照字句中間亦不重疊經恒沙劫終不能  
盡亦說此呪名如來頂汝等有學未盡輪迴散心至  
誠取阿羅漢不持此呪而坐道場令其身心遠諸魔  
事無有是處阿難若諸世界隨所國土所有眾生隨  
國所生椽皮貝葉紙素白氈書寫此呪貼於香囊是  
人心昏未能誦憶或帶身上或書宅中當知是人盡  
其生年一切諸毒所不能害阿難我今為汝更說此  
呪救護世間得大無畏成就眾生出世間智若我滅  
後末世眾生有能自誦若教他誦當知如是誦持眾  
生火不能燒水不能溺大毒小毒所不能害如是乃

至龍天鬼神精祇魔魅所有惡呪皆不能著心得心  
受一切呪詛厭盡毒藥金毒銀毒草木蟲蛇萬物毒  
氣入此人口成甘露味一切惡星并諸鬼神殄心毒  
人於如是人不能起惡頻那夜迦諸惡鬼王并其眷  
屬皆領深恩常加守護阿難當知是呪常有八萬四  
千那由他恒河沙俱胝金剛藏王菩薩種族一一皆  
有諸金剛眾而為眷屬晝夜隨侍設有眾生於散亂  
心非三摩地心憶口持是金剛王常隨從彼諸善男  
子何況決定菩提心者此諸金剛菩薩藏王精心陰  
速發彼神識是人應時心能記憶八萬四千恒河沙

劫周徧了知得無疑惑從第一劫乃至後身生生不  
生藥叉羅刹及富單那迦吒富單那鳩槃荼毗舍遮  
等并諸餓鬼有形無形有想無想如是惡處是善男  
子若讀若誦若書若寫若帶若藏諸色供養劫劫不  
生貧窮下賤不可樂處此諸眾生縱其自身不作福  
業十方如來所有功德悉與此人由是得於恒河沙  
阿僧祇不可說不可說劫常與諸佛同生一處無量  
功德如惡又聚同處熏修永無分散是故能令破戒  
之人戒根清淨未得戒者令其得戒未精進者令得  
精進無智慧者令得智慧不清淨者速得清淨不持

齋戒自成齋戒阿難是善男子持此呪時設犯禁戒  
於未受時持呪之後眾破戒罪無問輕重一時銷滅  
縱經飲酒食噉五辛種種不淨一切諸佛菩薩金剛  
天佛鬼神不將為過設若不淨破弊衣服一行一住  
志同清淨縱不作壇不入道場亦不行道誦持此呪  
還同入壇行道功德無有異也若造五逆無間重罪  
及諸比丘比丘尼四棄八棄誦此呪已如是重業猶  
如猛風吹散沙聚悉皆滅除更無毫髮阿難若有眾  
生從無量無數劫來所有一切輕重罪障從前世來  
未及懺悔若能讀誦書寫此呪身上帶持若安住處

楞嚴經卷七第十四葉

莊宅園館如是積業猶湯銷雪不久皆得悟無生忍  
復次阿難若有女人未生男女欲求孕者若能至心  
憶念斯呪或能身上帶此悉怛多般怛羅者便生福  
德智慧男女求長命者即得長命欲求果報速圓滿  
者速得圓滿身命色力亦復如是命終之後隨願往  
生十方國土必定不生邊地下賤何況雜形阿難若  
諸國土州縣聚落饑荒疫癘或復刀兵賊難鬪諍兼  
餘一切厄難之地寫此神呪安城四門并諸支提或  
脫閣上令其國土所有眾生奉迎斯呪禮拜恭敬一  
心供養令其人民各各身佩或各各安所居宅地一



切灾厄悉皆銷滅阿難在在處處國土眾生隨有此  
呪天龍歡喜風雨順時五穀豐殷兆庶安樂亦復能  
鎮一切惡星隨方變怪灾障不起人無橫夭杻械枷  
鎖不著其身晝夜安眠常無惡夢阿難是娑婆界有  
八萬四千灾變惡星二十八天惡星而為上首復有  
八大惡星以為其主作種種形出現世時能生眾生  
種種灾異有此呪地悉皆銷滅十二由旬成結界地  
諸惡灾祥永不能入是故如來宣示此呪於未來世  
保護初學諸修行者入三摩提身心泰然得大安隱  
更無一切諸魔鬼神及無始來冤橫宿殃舊業陳責

來相惱害汝及眾中諸有學人及未來世諸修行者  
依我壇場如法持戒所受戒主逢清淨僧於此呪心  
不生疑悔是善男子於此父母所生之身不得心通  
十方如來便為妄語說是語已會中無量百千金剛  
一時佛前合掌頂禮而白佛言如佛所說我當誠心  
保護如是修菩提者爾時梵王并天帝釋四天大王  
亦於佛前同時頂禮而白佛言審有如是修學善人  
我當盡心至誠保護令其一生所作如願復有無量  
藥叉大將諸羅刹王富單那王鳩槃荼王毗舍遮王  
頻那夜迦諸大鬼王及諸鬼神亦於佛前合掌頂禮

我亦誓願護持是人令菩提心速得圓滿復有無量  
日月天子風師雨師雲師雷師并電伯等年歲巡官  
諸星眷屬亦於會中頂禮佛足而白佛言我亦保護  
是修行人安之道場得無所畏復有無量山神海神  
一切土地水陸空行萬物精祇并風神王無色界天  
於如來前同時稽首而白佛言我亦保護是修行人  
得成菩提永無魔事爾時八萬四千那由他恒河沙  
俱胝金剛藏王菩薩在大會中即從座起頂禮佛足  
而白佛言世尊如我等輩所修功業久成菩提不取  
涅槃常隨此呪救護末世修三菩提心修行者世尊

如是修心求正定人若在道場及餘經行乃至散心  
游戲聚落我等徒眾常當隨後侍衛此人縱令魔王  
大自在天求其方便終不可得諸小鬼神去此善人  
十由旬外除彼散心樂修禪者世尊如是惡魔若魔  
眷屬欲來侵擾是善人者我以寶杵殞碎其首猶如  
微塵恒令此人所作如願阿難即從座起頂禮佛足  
而白佛言我輩愚鈍好為多聞於諸漏心未求出離  
蒙佛慈誨得正熏修身心快然獲大饒益世尊如是  
修證佛三摩提未到涅槃云何名為乾慧之地四十  
四心至何漸次得修行目詣何方所名入地中云何

名為等覺菩薩作是語已五體投地大眾一心佯佛  
慈音瞪瞞瞻仰爾時世尊讚阿難言善哉善哉汝等  
乃能普為大眾及諸末世一切眾生修三摩提求大  
乘者後於凡夫終大涅槃懸示無上心修行路汝今  
諦聽當為汝說阿難大眾合掌劄心默然受教佛言  
阿難當知妙性圓明離諸名相本來無有世界眾生  
因妄有生因生有滅生滅名妄滅妄名真是稱如來  
無上菩提及大涅槃二轉依歸阿難汝今欲修真三  
摩地直詣如來大涅槃者先當識此眾生世界二顛  
倒因顛倒不生斯則如來真三摩地阿難云何名為

眾生顛倒阿難由性明心性明圓故因明發性性妄  
見生從畢竟無成究竟有以有所有非因所因住所  
住相了無根本本以無住建立世界及諸眾生迷本  
圓明是生虛妄妄性無體非有所依將欲復真欲真  
已非真真如性非真求復宛成非相非生非住非心  
非法展轉發生生力發明熏以成業同業相感因有  
感業相滅相生由是故有眾生顛倒阿難云何名為  
世界顛倒是有所有分段妄生因此界立非因所因  
無住所住遷流不住因此世成三世四方和合相涉  
變化眾生成十二類是故世界因動有聲因聲有色

因色有香因香有觸因觸有味因味知法六亂妄想  
成業性故十二區分由此輪轉是故世間聲香味觸  
窮十二變為一旋復乘此輪轉顛倒相故是有世間  
卵生胎生濕生化生有色無色有想無想若非有色  
若非無色若非有想若非無想阿難由因世界虛妄  
輪迴動顛倒故和合氣成八萬四千飛沈亂想如是  
故有卵羯邏藍流轉國土魚鳥龜蛇其類充塞由因  
世界雜染輪迴欲顛倒故和合滋成八萬四千橫豎  
亂想如是故有胎過蒲曇流轉國土人畜龍僂其類  
充塞由因世界執著輪迴趣顛倒故和合煖成八萬

四千翻覆亂想如是故有濕相菽尸流轉國土含蠢  
蠕動其類充塞由因世界變易輪迴假顛倒故和合  
觸成八萬四千新故亂想如是故有化相羯南流轉  
國土轉蛻飛行其類充塞由因世界笛礙輪迴障顛  
倒故和合著成八萬四千精耀亂想如是故有色相  
羯南流轉國土休咎精明其類充塞由因世界銷散  
輪迴惑顛倒故和合暗成八萬四千陰隱亂想如是  
故有無色羯南流轉國土空散銷沈其類充塞由因  
世界周象輪迴影顛倒故和合憶成八萬四千潛結  
亂想如是故有想相羯南流轉國土神鬼精靈其類

充塞由因世界愚鈍輪迴癡顛倒故和合頑成八萬  
四千枯槁亂想如是故有無想羯南流轉國土精神  
化為土木金石其類充塞由因世界相待輪迴偽顛  
倒故和合染成八萬四千因依亂想如是故有非有  
色相成色羯南流轉國土諸水母等以蝦為目其類  
充塞由因世界相引輪迴性顛倒故和合呪成八萬  
四千呼召亂想由是故有非無色相無色羯南流轉  
國土呪詛厭生其類充塞由因世界合妄輪迴罔顛  
倒故和合異成八萬四千迴互亂想如是故有非有  
想相成想羯南流轉國土彼蒲盧等異質相成其類

楞嚴經卷七第十九葉

充塞由因世界怨害輪迴殺顛倒故和合怪成八萬  
四千食父母想如是故有非無想相無想羯南流轉  
國土如土梟等坵塊為兒及破鏡鳥以毒樹果抱為  
其子子成父母皆遭其食其類充塞是名眾生十二  
種類

大佛頂如來密因修證了義諸菩薩萬行首楞嚴經  
卷第七

大佛頂如來密因修證了義諸菩薩萬行首楞嚴經  
卷第八

唐天竺沙門般刺密帝譯

烏菴國沙門彌伽釋迦譯語

菩薩戒弟子前正議大夫同中書門下平章

事清河房軫筆受

清桐城女子吳芝瑛寫本

阿難如是眾生一一類中亦各具十二顛倒猶如  
捏目亂華發生顛倒妙圓真淨明心具足如斯虛妄  
亂想汝今修證佛三摩提於是本因元所亂想立三

漸次方得除滅如淨器中除去毒蜜以諸湯水并雜  
灰香洗滌其器後貯甘露云何名為三種漸次一者  
修習除其助因二者真修剷其正性三者增進違其  
現業云何助因阿難如是世界十二類生不能自全  
依四食住所謂段食觸食思食識食是故佛說一切  
眾生皆依食住阿難一切眾生食甘故生食毒故死  
是諸眾生求三摩提當斷世間五種辛菜是五種辛  
熟食菽媯生啖增恚如是世界食辛之人縱能宣說  
十二部經十方天僊嫌其臭穢咸皆遠離諸餓鬼等  
因彼食次舐其唇吻常與鬼住福德日銷長無利益

是食辛人修三摩地菩薩天僊十方善神不來守護  
大力魔王得其方便現作佛身來為說法非毀禁戒  
讚媯怒癡命終自為魔王眷屬受魔福盡墮無間獄  
阿難修菩提者永斷五辛是則名為第一增進修行  
漸次云何正性阿難如是眾生入三摩地要先嚴持  
清淨戒律永斷媯心不餐酒肉以大淨食無啖生氣  
阿難是修行人若不斷媯及與殺生出三界者無有  
是處當觀媯欲猶如毒蛇如見怨賊先持聲聞四棄  
八棄執身不動後行菩薩清淨律儀執心不起禁戒  
成就則於世間永無相生相殺之業偷劫不行無相

負累亦於世間不還宿責是清淨人修三摩地父母  
肉身不須天眼自然觀見十方世界觀佛聞法親奉  
聖旨得大神通游十方界宿命清淨得無艱險是則  
名為第二增進修行漸次云何現業阿難如是清淨  
持禁戒人心無貪婬於外六塵不多流逸因不流逸  
旋元自歸塵既不緣根無所偶反流全一六用不行  
十方國土皎然清淨辟如瑠璃內懸明月身心快然  
妙圓平等獲大安隱一切如來密圓淨妙皆現其中  
是人即獲無生法忍從是漸修隨所發行安立聖位  
是則名為第三增進修行漸次阿難是善男子欲愛

楞嚴經卷八第三葉

乾枯根境不偶現前殘質不復續生執心虛明純是  
智慧慧性明圓蓋十方界乾有其慧名乾慧地欲習  
初乾未與如來法流水接即以此心中中流入圓妙  
開敷從真妙圓重發真妙妙信常住一切妄想滅盡  
無餘中道純真名信心住真信明了一切圓通陰處  
界三不能為礙如是乃至過去未來無數劫中捨身  
受身一切習氣皆現在前是善男子皆能憶念得無  
遺忘名念心住妙圓純真真精發化無始習氣通一  
精明唯以精明進趣真淨名精進心心精現前純以  
智慧名慧心住執持智明周徧寂湛寂妙常凝名定



心住定光散明明性深入唯進無退名不退心心進  
安然保持不失十方如來氣分交指名護法心覺明  
保持能以妙力迴佛慈光向佛安住猶如雙鏡光明  
相對其中妙影重重相入名迴向心心光密迴獲佛  
常疑無上妙淨安住無為得無遺失名戒心住任戒  
自在能游十方所去隨願名願心住阿難是善男子  
以真方便發此十心心精發暉十用涉入圓成一心  
名發心住心中發明如淨瑠璃內現精金以前妙心  
履以成地名治地住心地涉知俱得明了游履十方  
得無留礙名修行任行與佛同受佛氣分如中陰身

楞嚴經卷八第四葉

自求父母陰信冥通入如來種名生貴住既游道胎  
親奉覺胤如胎已成人相不缺名方便具足住容貌  
如佛心相亦同名心心住身心合成日益增長名不  
退住十身靈相一時具足名童真住形成出胎親為  
佛子名法王子住表以成人如國大王以諸國事分  
委太子彼刹利王世子長成陳列灌頂名灌頂任阿  
難是善男子成佛子已具足無量如來妙德十方隨  
順名歡喜行善能利益一切眾生名饒益行自覺覺  
他得無違拒名無瞋恨行種類出生窮未來際三世  
平等十方通達名無盡行一切合同種種法門得無

差誤名離癡亂行則於同中顯現羣異一一異相各  
各見同名善現行如是乃至十方虛空滿足微塵一  
一塵中現十方界現塵現界不相留礙名無著行種  
種現前成是第一波羅密多名尊重行如是圓融能  
成十方諸佛軌則名善法行一一皆是清淨無漏一  
真無為性本然故名真實行阿難是善男子滿足神  
通成佛事已純潔精真遠諸留患當度眾生滅除度  
相迴無為心向涅槃路名救護一切眾生離眾生相  
迴相壞其可壞遠離諸離名不壞迴向本覺湛然覺  
齊佛覺名等一切佛迴向精真發明地如佛地名至

楞嚴經卷八第五葉

一切處迴向世界如來互相涉入得無罣礙名無盡  
功德藏迴向於同佛地地中各生清淨因依因散  
揮取涅槃道名隨順平等善根迴向真根既成十方  
眾生皆我本性性圓成就不失眾生名隨順等觀一  
切眾生迴向即一切法離一切相唯即與離二無所  
著名真如相迴向真得所如十方無礙名無縛解脫  
迴向性德圓成法界量滅名法界無量迴向阿難是  
善男子盡是清淨四十一心次成四種妙圓加行即  
以佛覺用為己心若出未出猶如鑽火欲然其木名  
為煖地又以己心成佛所履若依非依如登高山身

入虛空下有微礙名為頂地心佛二同善得中道如  
忍事人非懷非出名為忍地數量銷滅迷覺中道二  
無所目名世第一地阿難是善男子於大菩提善得  
通達覺通如來盡佛境界名歡喜地異性入同同性  
亦滅名離垢地淨極明生名發光地明極覺滿名發  
慧地一切同異所不能至名難勝地無為真如性淨  
明露名現前地盡真如際名遠行地一真如心名不  
動地發真如用名善慧地阿難是諸菩薩從此已往  
修習畢功功德圓滿亦目此地名修習位慈陰妙雲  
濃涅槃海名法雲地如來逆流如是菩薩順行而至

覺際入交名為等覺阿難從乾慧心至等覺已是覺  
始獲金剛心中初乾慧地如是重重單復十二方盡  
妙覺成無上道是種種地皆以金剛觀察如幻十種  
深喻奢摩他中用諸如來毗婆舍那清淨修證漸次  
深入阿難如是皆以三增進故善能成就五十五位  
真菩提路作是觀者名為正觀若他觀者名為邪觀  
爾時文殊師利法王子在大眾中即從座起頂禮佛  
足而白佛言當何名是經我及眾生云何奉持佛告  
文殊師利是經名大佛頂悉怛多般怛羅無上寶印  
十方如來清淨海眼亦名救護親因度脫阿難及此

會中性比丘尼得菩提心入徧知海亦名如來密因  
修證了義亦名大方廣妙蓮華王十方佛母陀羅尼  
呪亦名灌頂章句諸菩薩萬行首楞嚴汝當奉持說  
是語已即時阿難及諸大眾得蒙如來開示密印般  
怛羅義兼聞此經了義名目頓悟禪那修進聖位增  
上妙理心慮虛凝斷除三界修心六品微細煩惱即  
從座起頂禮佛足合掌恭敬而白佛言大威德世尊  
慈音無遮善開眾生微細沈惑令我今日身心快然  
得大饒益世尊若此妙明真淨妙心本來徧圓如是  
乃至大地草木蠕動含靈本元真如即是如來成佛

真體佛體真實云何復有地獄餓鬼畜生修羅人天  
等道世尊此道為復本來自有為是眾生妄習生起  
世尊如寶蓮香比丘尼持菩薩戒私行姪欲妄言行  
姪非殺非偷無有業報故是語已先於女根生大猛  
火後於節節猛火燒然墮無間獄瑠璃大王善星比  
丘瑠璃為誅瞿曇族姓善星妄說一切法空生身陷  
入阿鼻地獄此諸地獄為有定處為復自然彼彼散  
業各各私受唯垂大慈散開童蒙令諸一切持戒眾  
生聞決定義歡喜頂戴謹潔無犯佛告阿難快哉此  
問令諸眾生不入邪見汝今諦聽當為汝說阿難一

切眾生實本真淨因彼妄見有妄習生因此分開內  
分外分阿難內分即是眾生分內因諸愛染發起妄  
情情積不休能生愛水是故眾生心憶珍羞口中水  
出心憶前人或憐或恨目中淚盈貪求財寶心散愛  
涎舉體光潤心著行媼男女二根自然流液阿難諸  
愛雖別流結是同潤濕不升自然從墜以名內分阿  
難外分即是眾生分外因諸渴仰散明虛想想積不  
休能生勝氣是故眾生心持禁戒舉身輕清心持呪  
印顧盼雄毅心欲生天夢想飛舉心存佛國聖境冥  
現事善知識自輕身命阿難諸想雖別輕舉是同飛

動不沈自然超越此名外分阿難一切世間生死相  
續生從順習死從變流臨命終時未捨煖觸一生善  
惡俱時頓現死逆生順二習相交純想即飛必生天  
上若飛心中兼福兼慧及與淨願自然心開見十方  
佛一切淨土隨願往生情少想多輕舉非遠即為飛  
僂大力鬼神飛行夜叉地行羅刹游於四天所去無  
礙其中若有善願善心護持戒法或護禁戒隨持戒  
人或護神呪隨持呪者或護禪定保綏法忍是等親  
住如來座下情想均等不飛不墜生於人間想明斯  
聽情幽斯鈍情多想少流入橫生重為毛羣輕為羽

挨七情三想沈下水輪生於火際受氣猛火身為餓  
鬼常被熱燒水能害已無食無飲經百千劫九情一  
想下洞火輪身入風火二交過地輕生有間重生無  
間二種地獄純情即沈入阿鼻獄若沈心中有誦大  
乘毀佛禁戒誑妄說法虛貪信施濫膺恭敬五逆十  
重更生十方阿鼻地獄脩造惡業雖則自招眾同分  
中兼有元地阿難此等皆是彼諸眾生自業所感造  
十習因受六交報云何十因阿難一者媿習交接發  
於相磨研磨不休如是故有大猛火光於中發動如  
人以手自相摩觸煖相現前二習相然故有鐵床銅

楞嚴經卷八第九葉

柱諸事是故十方一切如來色目行媿同名欲火菩  
薩見欲如辟火坑二者貪習交計發於相吸吸攬不  
止如是故有積寒堅冰於中凍冽如人以口吸縮風  
氣有冷觸生二習相陵故有吒吒波波羅羅青赤白  
蓮寒冰等事是故十方一切如來色目多求同名貪  
水菩薩見貪如辟瘴海三者憍習交陵發於相恃馳  
流不息如是故有騰逸犇波積波為水如人口舌自  
相絲味因而水散二習相鼓故有血河灰河熱沙毒  
海融銅灌吞諸事是故十方一切如來色目我憍名  
飲癡水菩薩見憍如辟巨溺四者瞋習交衝發於相

忤忤結不息心熱散火鑄氣為金如是故有刀山鐵  
樹劒輪斧鉞鎗鋸如人銜冤殺氣飛動二習相  
擊故有宮割斬斫刺槌擊諸事是故十方一切如  
來色目瞋恚名利刀劒菩薩見瞋如辟誅戮五者詐  
習交誘殺於相調引起不住如是故有繩木絞絞如  
水浸田草木生長二習相近故有杻械枷鎖鞭杖槓  
棒諸事是故十方一切如來色目姦偽同名讒賊菩  
薩見詐如畏豺狼六者誑習交嫌殺於相罔誣罔不  
止飛心造姦如是故有塵土屎尿穢汗不淨如塵隨  
風各無所見二習相加故有沒溺騰擲飛墜漂淪諸

事是故十方一切如來色目欺誑同名劫殺菩薩見  
誑如踐蛇虺七者怨習交嫌殺於銜恨如是故有飛  
石投礮匣貯車檻甕盛囊撲如陰毒人懷抱畜惡二  
習相吞故有投擲捨投擊射拋撮諸事是故十方一  
切如來色目怨家名違害鬼菩薩見怨如飲鴆酒八  
者見習交明如薩迦耶見戒禁取邪悟諸業殺於違  
拒出生相反如是故有王使主吏證執文籍如行路  
人來往相見二習相交故有勘問權詐考訊推鞠察  
訪披究照明善惡童子手執文簿辯辯諸事是故十  
方一切如來色目惡見同名見坑菩薩見諸虛妄徧

執如臨毒壑九者枉習交加發於誣謗如是故有合  
山合石碾磴耕磨如讒賊人逼枉良善二習相排故  
有押捺搥按蹙澆衡度諸事是故十方一切如來色  
目怨謗同名讒卑菩薩見枉如遭霹靂十者訟習交  
誼發於藏覆如是故有鑒見照燭如於日中不能藏  
影二習相陳故有惡友業鏡火珠披露宿業對驗諸  
事是故十方一切如來色目覆藏同名陰賊菩薩觀  
覆如戴高山履於巨海云何六報阿難一切眾生六  
識造業所招惡報從六根出云何惡報從六根出一  
者見報招引惡果此見業交則臨終時先見猛火滿

十方界亡者神識飛墜乘烟入無間獄發明二相一  
者明見則能徧見種種惡物生無量畏二者暗見寐  
然不見生無量恐如是見火燒聽能為鑊湯洋銅燒  
息能為黑烟紫焰燒味能為焦丸鐵糜燒觸能為熱  
灰爐炭燒心能生星火迸灑煽鼓空界二者聞報招  
引惡果此聞業交則臨終時先見波濤沒溺天地亡  
者神識降注乘流入無間獄發明二相一者開聽聽  
種種開精神怒亂二者閉聽寂無所聞幽魂沈沒如  
是聞波注聞則能為責為詰注見則能為雷為吼為  
惡毒氣注息則能為雨為霧灑諸毒蟲周滿身體注



味則能為膿為血種種雜穢注觸則能為畜為鬼為  
糞為尿注意則能為電為雹摧碎心魄三者顛報招  
引惡果以顛業交則臨終時先見毒氣充塞遠近亡  
者神識從地踊出入無間獄教明二相一者通聞被  
諸惡氣熏極心擾二者塞聞氣掩不通悶絕於地如  
是顛氣衝息則能為質為履衝見則能為火為炬衝  
聽則能為沒為溺為洋為沸衝味則能為餒為爽衝  
觸則能為絞為爛為大肉山有百千眼無量呌食衝  
思則能為灰為瘴為飛砂礮擊碎身體四者味報招  
引惡果以味業交則臨終時先見鐵網猛燄熾烈周

覆世界亡者神識下透挂網倒懸其頭入無間獄教  
明二相一者吸氣結成寒冰凍裂身肉二者吐氣飛  
為猛火焦爛骨髓如是嘗味歷嘗則能為承為忍歷  
見則能為然金石歷聽則能為利兵刃歷息則能為  
大鐵籠彌覆國土歷觸則能為弓為箭為弩為射歷  
思則能為飛熱鐵從空雨下五者觸報招引惡果以  
觸業交則臨終時先見大山四面來合無復出路亡  
者神識見大鐵城火蛇火狗虎狼師子牛頭獄卒馬  
頭羅刹手執鎗稍驅入城門向無間獄教明二相一  
者合觸合山偪體骨肉血漬二者離觸刀劍觸身心

肝屠裂如是合觸歷觸則能為道為觀為廳為案歷  
見則能為燒為藝歷聽則能為撞為擊為傳為射歷  
息則能為括為袋為考為縛歷嘗則能為耕為鉗為  
斬為截歷思則能為墜為飛為煎為炙六者思報招  
引惡果此惡業交則臨終時先見惡風吹壞國土亡  
者神識被吹上空旋落乘風墮無間獄發明二相一  
者不覺迷極則荒奔走不息二者不迷覺知則苦無  
量煎燒痛深難忍如是邪思結思則能為方為所結  
見則能為鑿為證結聽則能為大合石為冰為霜為  
土為霧結息則能為大火車火船火檻結嘗則能為

大叫喚為悔為泣結觸則能為大為小為一日中萬  
生萬死為偃為仰阿難是名地獄十因六果皆是眾  
生迷妄所造若諸眾生惡業同造入阿鼻獄受無量  
苦經無量劫六根各造及彼所作兼境兼根是人則  
入八無間獄身口意三作殺盜淫是人則入十八地  
獄三業不兼中間或為一殺一盜是人則入三十六  
地獄見見一根單犯一業是人則入一百八地獄由  
是眾生別作別造於世界中入同分地妄想發生非  
本末有復次阿難是諸眾生非破律儀犯菩薩戒毀  
佛涅槃諸餘雜業歷劫燒然後還罪畢受諸鬼形若

於本因貪物為罪是人罪畢遇物成形名為怪鬼貪  
色為罪是人罪畢遇風成形名為魃鬼貪惑為罪是  
人罪畢遇畜成形名為魅鬼貪恨為罪是人罪畢遇  
蟲成形名蠱毒鬼貪憶為罪是人罪畢遇衰成形名  
為厲鬼貪傲為罪是人罪畢遇氣成形名為餓鬼貪  
罔為罪是人罪畢遇幽為形名為魔鬼貪明為罪是  
人罪畢遇精為形名魍魎鬼貪成爲罪是人罪畢遇  
明為形名役使鬼貪黨為罪是人罪畢遇人為形名  
傳送鬼阿難是人皆以純情墜落業火燒乾上出為  
鬼此等皆是自妄想業之所招引若悟菩提則妙圓

明本無所有復次阿難鬼業既盡則情與想二俱成  
空方於世間與元負人怨對相值身為畜生酬其宿  
責物怪之鬼物銷報盡生於世間多為梟類風魃之  
鬼風銷報盡生於世間多為咎徵一切異類畜魅之  
鬼畜死報盡生於世間多為狐類蠱蠱之鬼蠱滅報  
盡生於世間多為毒類衰厲之鬼衰窮報盡生於世  
間多為烟類受氣之鬼氣銷報盡生於世間多為食  
類絲幽之鬼幽銷報盡生於世間多為服類和精之  
鬼和銷報盡生於世間多為應類明靈之鬼明滅報  
盡生於世間多為休徵一切諸類依人之鬼人亡報

盡生於世間多為循類阿難是等皆以業火乾枯酬  
其宿責傷為畜生此等亦皆自虛妄業之所招引若  
悟菩提則此妄緣本無所有如汝所言寶蓮香等及  
瑠璃王善星比丘如是惡業本自叢明非從天降亦  
非地出亦非人與自妄所招還自來受菩提心中皆  
為浮虛妄想凝結復次阿難從是畜生酬償先責若  
彼酬者分越所酬此等眾生還復為人反徵其利如  
彼有力兼有福德則於人中不捨人身酬還彼力若  
無福者還為畜生償彼餘直阿難當知若用錢物或  
役其力償足自停如於中間殺彼身命或食其肉如

楞嚴經卷八第十五葉

是乃至經微塵劫相食相誅猶如轉輪互為高下無  
有休息除奢摩他及佛出世不可停寢汝今應知彼  
梟倫者酬足復形生人道中參合頑類彼咎徵者酬  
足復形生人道中參合愚類彼狐倫者酬足復形生  
人道中參於庸類彼毒倫者酬足復形生人道中參  
合很類彼蛔倫者酬足復形生人道中參合微類彼  
食倫者酬足復形生人道中參合柔類彼服倫者酬  
足復形生人道中參合勞類彼應倫者酬足復形生  
人道中參於文類彼休徵者酬足復形生人道中參  
合明類彼諸循倫酬足復形生人道中參於達類阿

難是等皆以宿責畢酬復形人道皆無始來業計顛  
倒相生相殺不過如來不聞正法於塵勞中法爾輪  
轉此輩名為可憐愍者阿難復有徒人不依正覺修  
三摩地別修妄念存想固形游於山林人不及處有  
十種儻阿難彼諸眾生堅固服餌而不休息食道圓  
成名地行儻堅固草木而不休息藥道圓成名飛行  
儻堅固金石而不休息化道圓成名游行儻堅固動  
止而不休息氣精圓成名空行儻堅固津液而不休  
息潤德圓成名天行儻堅固精色而不休息吸粹圓  
成名通行儻堅固呪禁而不休息術法圓成名道行

楞嚴經卷八第十六葉

儻堅固思念而不休息思憶圓成名照行儻堅固交  
遊而不休息感應圓成名精行儻堅固變化而不休  
息覺悟圓成名絕行儻阿難是等皆於人中鍊心不  
修正覺別得生理壽千萬歲休止深山或大海島絕  
於人境斯亦輪迴妄想流轉不修三昧報盡還來散  
入諸趣阿難諸世間人不求常任未能捨諸妻妾恩  
愛於邪淫中心不流逆澄瑩生明命終之後鄰於日  
月如是一類名四天王於已妻房媼愛微薄於淨  
居時不得全味命終之後超日月明居人間頂如是  
一類名忉利天逢欲輟交去無思憶於人間世動少

靜多命終之後於虛空中朗然安住日月光明上照  
不及是諸人等自有光明如是一類名須跋摩天一  
切時靜有應觸未未能達度命終之後上升精微不  
接下界諸人天境乃至劫壞三灾不及如是一類名  
兜率陀天我無欲心應汝行事於橫陳時味如嚼蠟  
命終之後生越化地如是一類名樂變化天無世間  
心同世行事於行事交了然超越命終之後徧能出  
越化無化境如是一類名他化自在天阿難如是六  
天形雖出動心迹尚交自此已還名為欲界  
大佛頂如來密因修證了義諸菩薩萬行首楞嚴經

卷第八

大佛頂如來密因修證了義諸菩薩萬行首楞嚴經  
卷第九

唐天竺沙門般刺密帝譯

烏長國沙門彌伽釋迦譯語

菩薩戒弟子前正議大夫同中書門下平章

事清河房融筆受

清桐城女子吳芝瑛寫本

阿難世間一切所修心人不假禪那無有智慧但能  
執身不行姦欲若行若坐想念俱無愛染不生無留  
欲界是人應念身為梵侶如是一類名梵眾天欲習

既除離欲心現於諸律儀愛樂隨順是人應時能行  
梵德如是一類名梵輔天身心妙圓威儀不缺清淨  
禁戒加以明悟是人應時能統梵眾為大梵王如是  
一類名大梵天阿難此三勝流一切苦惱所不能偏  
雖非正修真三摩地清淨心中諸漏不動名為初禪  
阿難其次梵天統攝梵人圓滿梵行澄心不動寂湛  
生光如是一類名少光天光光相然照耀無盡映十  
方界徧成瑠璃如是一類名無量光天吸持圓光成  
就教體教化清淨應用無盡如是一類名光音天阿  
難此三勝流一切憂懸所不能偏雖非正修真三摩

楞嚴經卷九第二葉

地清淨心中麤漏已伏名為二禪阿難如是天人圓  
光成音披音露妙散成精行通寂滅樂如是一類名  
少淨天淨空現前引致無際身心輕安成寂滅樂如  
是一類名無量淨天世界身心一切圓淨淨德成就  
勝託現前歸寂滅樂如是一類名徧淨天阿難此三  
勝流具大隨順身心安隱得無量樂雖非正得真三  
摩地安隱心中歡喜畢具名為三禪阿難復次天人  
不偏身心苦因已盡樂非常住久必壞生苦樂二心  
俱時頓捨麤重相滅淨福性生如是一類名福生天  
捨心圓融勝解清淨福無遮中得妙隨順窮未來際



如是一類名福愛天阿難從是天中有二歧路若於  
先心無量淨光福德圓明修證而住如是一類名廣  
果天若於先心雙厭苦樂精研捨心相續不斷圓窮  
捨道身心俱滅心慮在凝經五百劫是人既以生滅  
為因不能發明不生滅性初半劫滅後半劫生如是  
一類名無想天阿難此四勝流一切世間諸苦樂境  
所不能動雖非無為真不動地有所得心功用純熟  
名為四禪阿難此中復有五不還天於下界中九品  
習氣俱時滅盡苦樂雙亡下無卜居故於捨心眾同  
分中安立居處阿難苦樂兩滅鬪心不交如是一類

楞嚴經卷九第三葉

名無煩天機括獨行研交無地如是一類名無熱天  
十方世界妙見圓澄更無塵象一切沈垢如是一類  
名善見天精見現前陶鑄無礙如是一類名善現天  
究竟羣幾窮色性性入無邊際如是一類名色究竟  
天阿難此不還天彼諸四禪四位天王獨有欽聞不  
能知見如今世間曠野深山聖道場地皆阿羅漢所  
住持故世間粗人所不能見阿難是十八天獨行無  
交未盡形累自此已還名為色界復次阿難從是有  
頂色邊際中其間復有二種歧路若於捨心發明智  
慧慧光圓通便出塵界成阿羅漢入菩薩乘如是一

類名為迴心大阿羅漢若在捨心捨厭成就覺身為  
礙銷礙入空如是一類名為空處諸礙既銷無礙無  
滅其中唯留阿賴耶識全於末那半分微細如是一  
類名為識處空色既亡識心都滅十方寂然迴無攸  
往如是一類名無所有處識性不動以滅窮研於無  
盡中發宣盡性如存不存若盡非盡如是一類名為  
非想非非想處此等窮空不盡空理後不還天聖道  
窮者如是一類名不迴心鈍阿羅漢若後無想諸外  
道天窮空不歸迷漏無聞便入輪轉阿難是諸天上  
各各天人則是凡夫業果酬答盡入輪彼之天王

楞嚴經卷九第四葉

即是菩薩游三摩提漸次增進迴向聖倫所修行路  
阿難是四空天身心滅盡定性現前無業果色從此  
遂終名無色界此皆不了妙覺明心積妄發生妄有  
三界中間妄隨七趣沈溺補特伽羅各從其類復次  
阿難是三界中復有四種阿修羅類若於鬼道以護  
法力乘通入空此阿修羅從卵而生鬼趣所攝若於  
天中降德貶墜其所下居鄰於日月此阿修羅從胎  
而出人趣所攝有修羅王執持世界力洞無畏能與  
梵王及天帝釋四天爭權此阿修羅因變化有天趣  
所攝阿難別有一分下劣修羅生大海心沈水穴口

且游虛空暮歸水宿此阿修羅因濕氣有畜生趣攝  
阿難如是地獄餓鬼畜生人及神倂天洎修羅精研  
七趣皆是昏沈諸有為相妄想受生妄想隨業於妙  
圓明無作本心皆如空華元無所著但一虛妄更無  
根緒阿難此等眾生不識本心受此輪迴經無量劫  
不得真淨皆由隨順殺盜婬故反此三種又則出生  
無殺盜婬有名鬼倫無名天趣有無相傾起輪迴性  
若得妙發三摩提者則妙常寂有無二無無二亦滅  
尚無不殺不偷不婬云何更隨殺盜婬事阿難不斷  
三業各各有私因各各私眾私同分非無定處自妄

楞嚴經卷九第五葉

發生生妄無因無可尋究汝勗修行欲得菩提要除  
三惑不盡三惑縱得神通皆是世間有為功用習氣  
不滅落於魔道雖欲除妄倍加虛偽如來說為可哀  
憐者汝妄自造非菩提答作是說者名為正說若他  
說者即魔王說即時如來將嚴法座於師子床攬七  
寶几迴紫金山再來凭倚普告大眾及阿難言汝等  
有學緣覺聲聞今日迴心趣大菩提無上妙覺吾今  
已說真修行法汝猶未識修奢摩他毗婆舍那微細  
魔事魔境現前汝不能識洗心非正落於邪見或汝  
陰魔或復天魔或著鬼神或遭魑魅心中不明認賊

為子又復於中得少為足如弟四禪無聞比丘妄言  
證聖天報已畢衰相現前謫阿羅漢身遭後有墮阿  
鼻獄汝應諦聽吾今為汝子細分別阿難起立并其  
會中同有學者歡喜頂禮伏聽慈誨佛告阿難及諸  
大眾汝等當知有漏世界十二類生本覺妙明覺圓  
心體與十方佛無二無別由汝妄想迷理為咎癡愛  
發生生數徧迷故有空性化迷不息有世界生則以  
十方微塵國土非無漏者皆是迷頑妄想安立當知  
虛空生汝心內猶如片雲點太清裏况諸世界在虛  
空耶汝等一人發真歸元此十方空皆悉銷殞云何

楞嚴經卷九第六葉

空中所有國土而不振裂汝輩修禪飾三摩地十方  
菩薩及諸無漏大阿羅漢心精通溷當處湛然一切  
魔王及與鬼神諸凡夫天見其宮殿無故崩裂大地  
振坼水陸飛騰無不驚懼凡夫昏暗不覺遜訛彼等  
咸得五種神通唯除漏盡總以塵勞如何令汝摧裂  
其處是故鬼神及諸天魔固兩妖精於三昧時僉來  
媿汝然彼諸魔雖有夫怒彼塵勞內汝妙覺中如風  
吹光如刀斷水了不相觸汝如沸湯彼如堅冰煖氣  
漸鄰不日銷殞徒恃神力但為其客成就破亂由汝  
心中五陰主人主人若迷客得其便當處禪那覺悟

無惑則彼魔事無奈汝何陰銷入明則彼群邪咸受  
幽氣明能破暗近自銷殞如何敢留擾亂禪定若不  
明悟被陰所迷則汝阿難必為魔子成就魔人如摩  
登伽殊為眇劣彼唯呪汝破佛律儀八萬行中祇毀  
一戒心清淨故尚未淪溺此乃瞋汝寶覺全身如宰  
臣家忽逢籍沒宛轉零落無可哀救阿難當知汝坐  
道場銷落諸念其念若盡則諸離念一切精明動靜  
不移憶忘如一當住此處入三摩提如明目人處大  
幽暗精性妙淨心未發光此則名為色陰區寓若目  
明明十方洞開無復幽黯名色陰盡是人則能超越

楞嚴經卷九第七葉

劫濁觀其所由堅固妄想以為其本阿難當在此中  
精研妙明四大不織少選之間身能出礙此名精明  
流溢前境斯但功用暫得如是非為聖證不作聖心  
名善境界若作聖解即受群邪阿難復以此心精研  
妙明其身內徹是人忽然於其身內捨出燒蝕身相  
宛然亦無傷毀此名精明流溢形體斯但精行暫得  
如是非為聖證不作聖心名善境界若作聖解即受  
群邪又以此心內外精研其時魂魄意志精神除執  
受身餘皆涉入互為賓主忽於空中聞說法聲或聞  
十方同敷密義此名精魄遞相離合成就善種暫得

如是非為聖證不作聖心名善境界若作聖解即受  
群邪又以此心澄露皎徹內光發明十方徧作閻浮  
檀色一切種類化為如來於時忽見毗盧遮那踞天  
光臺千佛圍繞百億國土及與蓮華俱時出現此名  
心魂靈悟所染心光研明照諸世界獲淨如是非為  
聖證不作聖心名善境界若作聖解即受群邪又以  
此心精研妙明觀察不停抑按降伏制止超越於時  
忽然十方虛空成七寶色或百寶色同時徧滿不相  
留礙青黃赤白各各純現此名抑按功力逾分獲淨  
如是非為聖證不作聖心名善境界若作聖解即受

楞嚴經卷九第八葉

群邪又以此心研究澄徹精光不亂忽於夜半在暗  
室內見種種物不殊白晝而暗室物亦不除滅此名  
心細密澄其見所視洞幽獲淨如是非為聖證不作  
聖心名善境界若作聖解即受群邪又以此心圓入  
虛融四體忽然同於草木火燒刀斫曾無所覺又則  
火光不能燒熱縱割其肉猶如削木此名塵併排四  
大性一向入純獲淨如是非為聖證不作聖心名善  
境界若作聖解則受群邪又以此心成就清淨淨心  
功極忽見大地十方山河皆成佛國具足七寶光明  
徧滿又見恒沙諸佛如來徧滿空界樓殿華麗下見

地獄上觀天宮得無障礙此名欣厭凝想日深想久  
化成非為聖證不作聖心名善境界若作聖解即受  
群邪又以此心研究深遠忽於中夜遙見遠方市井  
街巷親挨眷屬或聞其語此名迫心徇極飛出故多  
障見非為聖證不作聖心名善境界若作聖解即受  
群邪又以此心研究精極見善知識形體變移少選  
無端種種遷改此名邪心含受魑魅或遭天魔入其  
心腹無端說法通達妙義非為聖證不作聖心魔事  
銷歇若作聖解即受群邪阿難如是十種禪那現境  
皆是色陰用心交互故現斯事眾生頑迷不自付量

逢此因緣迷不自識謂言登聖大妄語成墮無間獄  
汝等當依如來滅後於末法中宣示斯義無令天魔  
得其方便保持護成無上道阿難彼善男子修三  
摩提奢摩他中色陰盡者見諸佛心如明鏡中顯現  
其像若有所碍而未能用猶如魘人手足宛然見聞  
不惑心觸客邪而不能動此則名為受陰區寓若魘  
咎歇其心離身返觀其面去在自由無復留礙名受  
陰盡是人則能超越見濁觀其所由虛明妄想以為  
其本阿難彼善男子當在此中得大光耀其心發明  
內抑過分忽於其處發無窮悲如是乃至觀見蚊蟲

猶如赤子心生憐愍不覺流淚此名功用抑摧過越  
悟則無咎非為聖證覺了不迷久自銷歇若作聖解  
則有悲魔入其心腑見人則悲啼泣無限失於心受  
當從淪墜阿難又彼定中諸善男子見色陰銷受陰  
明白勝相現前感激過分忽於其中生無限勇其心  
猛利志齊諸佛謂三僧祇一念能越此名功用陵率  
過越悟則無咎非為聖證覺了不迷久自銷歇若作  
聖解則有狂魔入其心腑見人則誇我慢無比其心  
乃至上不見佛下不見人失於心受當從淪墜又彼  
定中諸善男子見色陰銷受陰明白前無新證歸失

故居智力衰微入中墮地迴無所見心中忽然生大  
枯渴於一切時沈憶不散將此以為勤精進相此名  
修心無慧自失悟則無咎非為聖證若作聖解則有  
憶魔入其心腑旦夕撮心懸在一處失於心受當從  
淪墜又彼定中諸善男子見色陰銷受陰明白慧力  
過定失於猛利以諸勝性懷於心中自心已疑是虛  
舍那得少為足以名用心亡失恒審溺於知見悟則  
無咎非為聖證若作聖解則有下劣易知足魔入其  
心腑見人自言我得無上第一義諦失於心受當從  
淪墜又彼定中諸善男子見色陰銷受陰明白新證



未獲故心已亡。歷覽二際，自生艱險。於心忽然生無  
盡憂，如坐鐵床，如飲毒藥。心不欲活，常求於人，令害  
其命。早取解脫，此名修行失於方便。悟則無咎，非為  
聖證。若作聖解，則有一分常憂愁。魔入其心，腑手執  
刀，劔自割其肉，欣其捨壽。或常憂愁，走入山林，不耐  
見人，失於心受。當從險墜，又彼定中諸善男子見色  
陰銷，受陰明白，處清淨中心安隱。後忽然自有無限  
喜生，心中歡悅，不能自止。此名輕安，無慧自禁。悟則  
無咎，非為聖證。若作聖解，則有一分好喜樂。魔入其  
心，腑見人則笑，於衢路傷自歌自舞。自謂已得無礙

解脫，失於心受。當從險墜，又彼定中諸善男子見色  
陰銷，受陰明白，自謂已足。忽有無端大我慢起，如是  
乃至，慢與過慢及慢過慢，或增上慢，或卑劣慢。一時  
俱發，心中尚輕十方如來。何況下位聲聞緣覺。此名  
見勝無慧，自救悟則無咎，非為聖證。若作聖解，則有  
一分大我慢。魔入其心，腑不禮塔廟，摧毀經像。謂檀  
越言：此是金銅，或是土木。經是樹葉，或是氈華。肉身  
真常，不自恭敬，却崇土木。實為顛倒。其深信者，從其  
毀碎，埋棄地中。疑誤眾生，入無間獄。失於心受。當從  
險墜。又彼定中諸善男子見色陰銷，受陰明白，於精

明中圓悟精理得大隨順其心忽生無量輕安已言  
成聖得大自在此名因慧獲諸輕清悟則無咎非為  
聖證若作聖解則有一分好輕清魔入其心腑自謂  
滿足更不求進以等多作無聞比丘疑誤眾生墮阿  
鼻獄失於心受當從陰墜又彼定中諸善男子見色  
陰銷受陰明白於明悟中得虛明性其中忽然歸向  
永滅撒無因果一向入空空心現前乃至心生長斷  
滅解悟則無咎非為聖證若作聖解則有空魔入其  
心腑乃謗持戒名為小乘菩薩悟空有何持犯其人  
常於信心檀越飲酒噉肉廣行婬穢因魔力故攝其

楞嚴經卷九第十二葉

前人不生疑謗鬼心久入或食屎尿與酒肉等一種  
俱空破佛律儀誤入人罪失於心受當從陰墜又彼  
定中諸善男子見色陰銷受陰明白味其虛明深入  
心骨其心忽有無限愛生愛極發狂便為貪欲此名  
定境安順入心無慧自持誤入諸欲悟則無咎非為  
聖證若作聖解則有欲魔入其心腑一向說欲為善  
提道化諸白衣平等行欲其行婬者名持法子神鬼  
力故於末世中攝其凡愚其數至百如是乃至一百  
二百或五六十多滿千萬魔心生厭離其身體威德  
既無陷於王難疑誤眾生入無間獄失於心受當從

論墜阿難如是十種禪那現境皆是受陰用心交互  
故現斯事眾生頑迷不自忖量逢此因緣迷不自識  
謂言登聖大妄語成墮無間獄汝等亦當將如來語  
於我滅後傳示末法編令眾生開悟斯義無令天魔  
得其方便保持護成無上道阿難彼善男子修三  
摩提受陰盡者雖未漏盡心離其形如鳥出籠已能  
成就後是凡身上歷菩薩六十聖位得意生身隨往  
無礙辟如有人熟寐寤言是人雖則無別所知其言  
已成音韻倫次令不寐者咸悟其語此則名為想陰  
區寓若動念盡浮想銷除於覺明心如去塵垢一倫

楞嚴經卷九第十三葉

生死首尾圓照名想陰盡是人則能超煩惱濁觀其  
所由融通妄想以為其本阿難彼善男子受陰虛妙  
不遭邪慮圓定發明三摩地中心愛圓明銳其精思  
貪求善巧爾時天魔候得其便飛精附人口說經法  
其人不覺是其魔著自言謂得無上涅槃來彼求巧  
善男子處敷座說法其形斯須或作比丘令彼人見  
或為帝釋或為婦女或比丘尼或寢暗室身有光明  
是人愚迷惑為菩薩信其教化搖蕩其心破佛律儀  
潛行貪欲口中好言灾祥變異或言如來某處出世  
或言劫火或說刀兵恐怖於人令其家資無故耗散

此名怪鬼年老成魔媼亂是人厭足心生去彼人體  
弟子與師俱陷王難汝當先覺不入輪迴迷惑不知  
墮無間獄阿難又善男子受陰虛妙不遭邪慮圓定  
發明三摩地中心愛游蕩飛其精思貪求經歷爾時  
天魔候得其便飛精附人口說經法其人亦不覺知  
魔著亦言自得無上涅槃來彼求游善男子處敷座  
說法自形無變其聽法者忽自見身坐寶蓮華全體  
化成紫金光聚一眾聽人各各如是得未曾有是人  
愚迷惑為菩薩媼逸其心破佛律儀潛行貪欲口中  
好言諸佛應世其處其人當是其佛化身來此其人

楞嚴經卷九第十四葉

即是某菩薩等來化人間其人見故心生傾渴邪見  
密興種智銷滅以名魅鬼年老成魔媼亂是人厭足  
心生去彼人體弟子與師俱陷王難汝當先覺不入  
輪迴迷惑不知墮無間獄又善男子受陰虛妙不遭  
邪慮圓定發明三摩地中心愛絲沕澄其精思貪求  
契合爾時天魔候得其便飛精附人口說經法其人  
實不覺知魔著亦言自得無上涅槃來彼求合善男  
子處敷座說法其形及彼聽法之人外無遷變令其  
聽者未聞法前心自開悟念念移易或得宿命或有  
他心或見地獄或知人間好惡諸事或口說偈或自

誦經各各懽娛得未曾有是人愚迷惑為菩薩緣愛  
其心破佛律儀潛行貪欲口中好言佛有大小其佛  
先佛其佛後佛其中亦有真佛假佛男佛女佛菩薩  
亦然其人見故洗滌本心易入邪悟此名魅鬼年老  
成魔媼亂是人厭足心生去彼人體弟子與師俱陷  
王難汝當先覺不入輪迴迷惑不知墮無間獄又善  
男子受陰虛妙不遭邪慮圓定叢明三摩地中心愛  
根本窮覽物化性之終始精爽其心貪求辨析爾時  
天魔候得其便飛精射人口說經法其人先不覺知  
魔著亦言自得無上涅槃未彼求元善男子處敷座

說法身有威神摧伏求者令其座下雖未聞法自然  
心伏是諸人等將佛涅槃菩提法身即是現前我肉  
身上父父子子遞代相生即是法身常住不絕都指  
現在即為佛國無別淨居及金色相其人信受亡失  
先心身命歸依得未曾有是等愚迷惑為菩薩推究  
其心破佛律儀潛行貪欲口中好言眼耳鼻舌皆為  
淨土男女二根即是菩提涅槃真處彼無知者信是  
穢言以名蠱毒厭勝惡鬼年老成魔媼亂是人厭足  
心生去彼人體弟子與師俱陷王難汝當先覺不入  
輪迴迷惑不知墮無間獄又善男子受陰虛妙不遭

邪慮圓定發明三摩地中心愛懸應周流精研貪求  
冥感爾時天魔候得其便飛精附人口說經法其人  
元不覺知魔著亦言自得無上涅槃來彼求應善男  
子處敷座說法能令聽眾暫見其身如百千歲心生  
愛染不能捨離身為奴僕四事供養不覺疲勞各各  
令其座下人心知是先師本善知識別生法愛粘如  
膠漆得未曾有是人愚迷惑為菩薩親近其心破佛  
律儀潛行貪欲口中好言我於前世於其生中先度  
某人當時是我妻妾兄弟今來相度與汝相隨歸某  
世界供養某佛或言別有大光明天佛於中住一切

楞嚴經卷九第十六葉

如來所住居地彼無知者信是虛誑遺失本心此名  
癩鬼年老成魔惱亂是人厭足心生去彼人體弟子  
與師俱陷王難汝當先覺不入輪迴迷惑不知墮無  
間獄又善男子受陰虛妙不遭邪慮圓定發明三摩  
地中心愛深入剋己辛勤樂處陰寐貪求靜謐爾時  
天魔候得其便飛精附人口說經法其人本不覺知  
魔著亦言自得無上涅槃來彼求陰善男子處敷座  
說法令其聽人各知本業惑於其處語一人言汝今  
未死已作畜生勅使一人於後蹋尾頓令其人起不  
能得於是一眾傾心欽伏有人起心已知其肇佛律

儀外重加精苦誹謗比丘罵詈徒眾訐露人事不辟  
譏嫌口中好言未然禍福及至其時毫髮無失此大  
力兇年老成魔媼亂是人厭足心生去彼人體弟子  
與師俱陷王難汝當先覺不入輪迴迷惑不知墮無  
間獄又善男子受陰虛妙不遭邪慮圓定發明三摩  
地中心愛知見勤苦研尋貪求宿命爾時天魔候得  
其便飛精坭人口說經法其人殊不覺知魔著亦言  
自得無上涅槃未彼求知善男子處敷座說法是人  
無端於說法處得大寶珠其魔或時化為畜生口銜  
其珠及雜珍寶簡冊符牘諸奇異物先授彼人後著

其體或誘聽人藏於地下有明月珠照耀其處是諸  
聽者得未曾有多食藥草不餐嘉饌或時日餐一麻  
一麥其形肥充魔力持故誹謗比丘罵詈徒眾不辟  
譏嫌口中好言他方寶藏十方聖賢潛匿之處隨其  
後者往往見有奇異之人此名山林土地城隍川嶽  
鬼神年老成魔或有宣媼破佛戒律與承事者潛行  
五欲或有精進純食草木無定行事媼亂是人厭足  
心生去彼人體弟子與師多陷王難汝當先覺不入  
輪迴迷惑不知墮無間獄又善男子受陰虛妙不遭  
邪慮圓定發明三摩地中心愛神通種種變化研究

化元貪取神力爾時天魔候得其便飛精附人口說  
經法其人誠不覺知魔著亦言自得無上涅槃來彼  
求通善男子處敷座說法是人或復手執火光手撮  
其光分於所聽四眾頭上是諸聽人頂上火光皆長  
數尺亦無熱性曾不焦燒或水上行如履平地或於  
空中安坐不動或入餅內或處囊中越牆透垣曾無  
障礙唯於刀兵不得自在自言是佛身著白衣受比  
丘禮誹謗禪律罵詈徒眾訐露人事不辟譏嫌口中  
常說神通自在或復令人傷見佛土鬼力惑人非有  
真實讚歎行姪不毀粗行將諸猥媠以為傳法以名

天地大力山精海精風精河精土精一切草木積劫  
精魅或復龍魅或壽終併再活為魅或併期終計年  
應死其形不化他怪所附年老成魔姪亂是人厭足  
心生去彼人體弟子與師多臨王難汝當先覺不入  
輪迴迷惑不知墮無間獄又善男子受陰虛妙不遭  
邪慮圓定發明三摩地中心愛入滅研究化性貪求  
深空爾時天魔候得其便飛精附人口說經法其人  
終不覺知魔著亦言自得無上涅槃來彼求空善男  
子處敷座說法於大眾內其形忽空眾無所見還從  
虛空突然而出存沒自在或現其身洞如瑠璃或垂



手足作旃檀氣或大小便如厚石蜜誹毀戒律輕賤  
出家口中常說無因果一死永滅無復後身及諸  
凡聖雖得空寂潛行貪欲受其欲者亦得空心撒無  
因果此名日月薄蝕精氣金玉芝草麟鳳龜鶴經千  
萬年不死為靈出生國土年老成魔惱亂是人厭足  
心生去彼人體弟子與師多陷王難汝當先覺不入  
輪迴迷惑不知墮無間獄又善男子受陰虛妙不遭  
邪慮圓定發明三摩地中心愛長壽辛苦研幾貪求  
永歲棄分段生頓希變易細相常住爾時天魔候得  
其便飛精附人口說經法其人竟不覺知魔著亦言

自得無上涅槃未彼求生善男子處敷座說法好言  
他方往還無滯或經萬里瞬息再來皆於彼方取得  
其物或於一處在一定中數步之間令其從東詣至  
西壁是人急行累年不到因共心信疑佛現前口中  
常說十方眾生皆是吾子我生諸佛我出世界我是  
元佛出世自然不因修得此名住世自在天魔使其  
眷屬如遮文茶及四天王毗舍童子未散心者利其  
虛明食彼精氣或不因師其修行人親自觀見稱執  
金剛與汝長命現美女身盛行貪欲未逾年歲肝腦  
枯竭口兼獨言聽若妖魅前人未詳多陷王難未及

遇刑先已乾死。娑亂彼人。以至殂殞。汝當先覺。不入  
輪迴。迷惑不知。墮無間獄。阿難當知。是十種魔。於未  
世時。在我法中。出家修道。或珥人體。或自現形。皆言  
已成。心偏。知覺讚歎。娑欲破佛律儀。先惡魔師。與魔  
弟子。姪姪相傳。如是邪精魅。其心腑近。則九生多踰  
百世。令真修行。多為魔眷。命終之後。必為魔民。失心  
偏。知墮無間獄。汝今未須先取寂滅。縱得無學。留願  
入彼末法之中。起大慈悲。救度正心。深信眾生。令不  
著魔。得正。知見我。今度汝已。出生死。汝遵佛語。名報  
佛恩。阿難如是。十種禪那現境。皆是想陰。用心交互。

楞嚴經卷九第二十葉

故現斯事。眾生頑迷。不自忖量。逢此因緣。迷不自識。  
謂言登聖。大妄語成。墮無間獄。汝等必須將如來語。  
於我滅後。傳示末法。偏令眾生開悟。斯義無令天魔  
得其方便。保持覆護。成無上道。  
大佛頂如來密因修證了義諸菩薩萬行首楞嚴經  
卷第九

大佛頂如來密因修證了義諸菩薩萬行首楞嚴經  
卷第十

唐天竺沙門般刺密帝譯

烏菴國沙門彌伽擇迦譯語

菩薩戒弟子前正議大夫同中書門下平章

事清河房融筆受

清桐城女子英芝瑛寫本

阿難彼善男子修三摩提想陰盡者是人平常夢想  
銷滅寤寐恒一覺明虛靜猶如晴空無復粗重前塵  
影事觀諸世間大地山河如鏡鑑明來無所黏過無

蹤跡虛受照應了罔陳習唯一精真生滅根元從此  
披露見諸十方十二眾生畢殫其類雖未通其各命  
由緒見同生基猶如椳馬熠熠清擾為浮根塵究竟  
樞穴此則名為行陰區寓若此清擾熠熠元性性入  
元澄一澄元習如波瀾滅化為澄水名行陰盡是人  
則能超眾生濁觀其所由幽隱妄想以為其本阿難  
當知是得正知奢摩他中諸善男子凝明心心十類  
天魔不得其便方得精研窮生類本於本類中生元  
露者觀彼幽清圓擾動元於圓元中起計度者是人  
墜入二無因論一者是人見本無因何以故是人既

楞嚴經卷十第二葉

得生機全破乘於眼根八百功德見八萬劫所有眾  
生業流灣環死此生彼祇見眾生輪迴其處八萬劫  
外冥無所觀便作是解以等世間十方眾生八萬劫  
來無因自有由以計度亡心徧知墮落外道惑菩提  
性二者是人見末無因何以故是人於生既見其根  
知人生人悟鳥生鳥鳥從來黑鳥從來白人天本豎  
畜生本橫白非洗成黑非染造從八萬劫無復改移  
今盡此形亦復如是而我本來不見菩提云何更有  
成菩提事當知今日一切物象皆本無因由以計度  
亡心徧知墮落外道惑菩提性是則名為第一外道

立無因論阿難是三摩中諸善男子凝明正心魔不  
得便窮生類本觀彼幽清常擾動元於圓常中起計  
度者是人墜入四徧常論一者是人窮心境性二處  
無因修習能知二萬劫中十方眾生所有生滅咸皆  
循環不曾散失計以為常二者是人窮四大元四性  
常住修習能知四萬劫中十方眾生所有生滅咸皆  
體恒不曾散失計以為常三者是人窮盡六根末那  
執受心意識中本元由處性常恒故修習能知八萬  
劫中一切眾生循環不失本來常住窮不失性計以  
為常四者是人既盡想元生理更無流止運轉生滅

楞嚴經卷第十第三葉

想心今已永滅理中自然成不生滅因心所度計以  
為常由此計常亡正徧知墮落外道惑菩提性是則  
名為第二外道立圓常論又三摩中諸善男子堅凝  
正心魔不得便窮生類本觀彼幽清常擾動元於自  
他中起計度者是人墜入四顛倒見一分無常一分  
常論一者是人觀妙明心徧十方界湛然以為究竟  
神我從是則計我徧十方凝明不動一切眾生於我  
心中自生自死則我心性名為常彼生滅者真無  
常性二者是不觀其心徧觀十方恒沙國土見劫  
壞處名為究竟無常種性劫不壞處名究竟常三者

是人別觀我。心精細微密。猶如微塵。流轉十方。性無  
移改。能令此身即生即滅。其不壞性。名我。性常。一切  
死生。後我流出。名無常。性四者。是人知想。陰盡。見行  
陰。流行。陰常。流計為常。性色受想等。今已滅盡。名為  
無常。由此計度。一分無常。一分常。故墮落。外道惑善  
提性。是則名為第三外道。一分常論。又三摩中。諸善  
男子。堅凝。正心。魔不得便。窮生類。本觀彼幽清。常擾  
動。元於分位。中生計度者。是人墜入四有邊論。一者  
是人心計。生元流用不息。計過未者。名為有邊。計相  
續。心名為無邊。二者是人觀八萬劫。則見眾生八萬

楞嚴經卷第十四葉

劫前寐。無聞見。無聞見處。名為無邊。有眾生處。名為  
有邊。三者是人計我。徧知得無邊。性彼一切人。現我  
知中。我。曾不知彼之知。性名彼。不得無邊之心。但有  
邊性。四者是人窮行。陰空。以其所見。心路。籌度。一切  
眾生。一身之中。計其成。皆半生半滅。明其世界。一切  
所有一半。有邊一半。無邊。由是計度。有邊無邊。墮落  
外道。惑善提性。是則名為第四外道。立有邊論。又三  
摩中。諸善男子。堅凝。正心。魔不得便。窮生類。本觀彼  
幽清。常擾動。元於知見。中生計度者。是人墜入四種  
顛倒。不死。矯亂。徧計。虛論。一者是人觀變化。元見遷

流處名之為變見相續處名之為恒見所見處名之  
為生不見見處名之為滅相續之因性不斷處名之  
為增心相續中中所離處名之為滅各各生處名之  
為有互互亡處名之為無以理都觀用心別見有求  
法人未問其義答言我今亦生亦滅亦有亦無亦增  
亦減於一切時皆亂其語令彼前人遺失章句二者  
是人諦觀其心互互無處因無得證有人來問唯答  
一字但言其無除無之餘無所言說三者是人諦觀  
其心各各有處因有得證有人來問唯答一字但言  
其是除是之餘無所言說四者是人無俱見其境

楞嚴經卷十第五葉

枝故其心亦亂有人來問答言亦有即是亦無亦無  
之中不是亦有一切矯亂無容窮詰由此計度矯亂  
處無墮落外道惑菩提性是則名為第五外道四顛  
倒性不死矯亂徧計虛論又三摩中諸善男子堅凝  
心心魔不得便窮生類本觀彼幽清常擾動元於無  
盡流生計度者是人墜入死後有相散心顛倒或自  
固身云色是我或見我圓含徧國土云我有色或彼  
前緣隨我迴復云色屬我或復我依行中相續云我  
在色皆計度言死後有相如是循環有十六相從此  
或計畢竟煩惱畢竟菩提兩性並驅各不相觸由此

計度死後有故墮落外道惑菩提性是則名為第六  
外道立五陰中死後有相心顛倒論又三摩中諸善  
男子堅凝心心魔不得使窮生類本觀彼幽清常擾  
動元於先除滅色受想中生計度者是人墜入死後  
無相散心顛倒見其色滅形無所因觀其想滅心無  
所繫知其受滅無復連綴陰性銷散縱有生理而無  
受想與草木同此質現前猶不可得死後云何更有  
諸相因之勘按死後相無如是循環有八無相從此  
或計涅槃因果一切皆空徒有名字究竟斷滅由此  
計度死後無故墮落外道惑菩提性是則名為第七

楞嚴經卷十第六葉

外道立五陰中死後無相心顛倒論又三摩中諸善  
男子堅凝心心魔不得使窮生類本觀彼幽清常擾  
動元於行存中兼受想滅復計有無自體相破是人  
墜入死後俱非起顛倒論色受想中見有非有行遷  
流內觀無不無如是循環窮盡陰界八俱非相隨得  
一緣皆言死後有相無相又計諸行性遷訛故心散  
通悟有無俱非虛實失措由此計度死後俱非後際  
昏瞶無可道故墮落外道惑菩提性是則名為第八  
外道立五陰中死後俱非心顛倒論又三摩中諸善  
男子堅凝心心魔不得使窮生類本觀彼幽清常擾



動元於後後無生計度者是人墜入七斷滅論或計  
身滅或欲盡滅或苦盡滅或極樂滅或極捨滅如是  
循環窮盡七際現前銷滅滅已無復由此計度死後  
斷滅墮落外道惑菩提性是則名為第九外道立五  
陰中死後斷滅心顛倒論又三摩中諸善男子堅凝  
心心魔不得便窮生類本觀彼幽清常擾動元於後  
後有生計度者是人墜入五涅槃論或以欲界為心  
轉依觀見圓明生愛慕故或以初禪性無憂故或以  
二禪心無苦故或以三禪極悅隨故或以四禪苦樂  
二亡不受輪迴生滅性故迷有漏天作無為解五屬

楞嚴經卷第十七葉

安隱為勝淨依如是循環五屬究竟由以計度五現  
涅槃墮落外道惑菩提性是則名為第十外道立五  
陰中五現涅槃心顛倒論阿難如是十種禪那狂解  
皆是行陰用心交互故現斯悟眾生頑迷不自忖量  
逢此現前以迷為解自言登聖大妄語成墮無間獄  
汝等必須將如來語於我滅後傳示末法徧令眾生  
覺了斯義無令心魔自起深孽保持覆護銷息邪見  
教其身心開覺直義於無上道不遭枝歧勿令心祈  
得少為足作大覺王清淨樞指阿難彼善男子修三  
摩提行陰盡者諸世間性幽清擾動同分生機倏然

隳裂沈細網紐補特伽羅酬業深朕感應懸絕於涅槃天將大明悟如難後鳴瞻顧東方已有精色六根虛靜無復馳逸內外湛明入無所入深達十方十二種類受命元由觀由執元諸類不召於十方界已獲其同精色不沈發現幽秘此則名為識陰區寓若於群召已獲同中銷磨六門合開成就見聞通鄰互用清淨十方世界及與身心如吠瑠璃內外明徹名識陰盡是人則能超越命濁觀其所由因象虛無顛倒妄想以為其本阿難當知是善男子窮諸行空於識還元已滅生滅而於寐滅精妙未圓能令已身根障

楞嚴經卷第十第八葉

合開亦與十方諸類通覺覺知通溘能入圓元若於所歸立真常因生勝解者是人則墮因所因執娑毗迦羅所歸冥諦成其伴侶迷佛菩提亡失知見是名第一立所淨心成所歸果達遠圓通背涅槃城生外道種阿難又善男子窮諸行空已滅生滅而於寐滅精妙未圓若於所歸覽為自體盡虛空界十二類內所有眾生皆我身中一類流出生勝解者是人則墮能非能執摩醯首羅現無邊身成其伴侶迷佛菩提亡失知見是名第二立能為心成能事果達遠圓通背涅槃城生大慢天我徧圓種又善男子窮諸行空

已滅生滅而於寂滅精妙未圓若於所歸有所歸依  
自疑身心從彼流出十方虛空成其生起即於都起  
所宣流地作真常身無生滅解在生滅中早計常住  
既惑不生亦迷生滅安住沈迷生勝解者是人則墮  
常非常執計自在天成其伴侶迷佛菩提亡失知見  
是名第三立因依心成妄計果達遠圓通背涅槃城  
生倒圓種又善男子窮諸行空已滅生滅而於寂滅  
精妙未圓若於所知徧圓故因知立解十方草木  
皆稱有情與人無異草木為人人死還成十方草樹  
無擇徧知生勝解者是人則墮知無知執婆吒霰尼

楞嚴經卷十第九葉

執一切覺成其伴侶迷佛菩提亡失知見是名第四  
計圓知心成虛謬果達遠圓通背涅槃城生倒知種  
又善男子窮諸行空已滅生滅而於寂滅精妙未圓  
若於圓融根互用中已得隨順便於圓化一切發生  
求大光明樂水清淨愛風周流觀塵成就各各崇事  
以此群塵發作本因立常住解是人則墮生無生執  
諸迦葉波并婆羅門勤心役身事火崇水求出生死  
成其伴侶迷佛菩提亡失知見是名第五計著崇事  
迷心從物立妄求因求妄異果達遠圓通背涅槃城  
生顛化種又善男子窮諸行空已滅生滅而於寂滅

精妙未圓若於圓明計明中虛非滅群化以永滅依  
為所歸依生勝解者是人則墮歸無歸執無想天中  
諸舜若多成其伴侶迷佛菩提亡失知見是名第六  
圓虛無心成空亡果違遠圓通背涅槃城生斷滅種  
又善男子窮諸行空已滅生滅而於寂滅精妙未圓  
若於圓常固身常住同於精圓長不傾逝生勝解者  
是人則墮貪非貪執諸阿斯陀求長命者成其伴侶  
迷佛菩提亡失知見是名第七執著命元立固妄因  
趣長勞果違遠圓通背涅槃城生妄証種又善男子  
窮諸行空已滅生滅而於寂滅精妙未圓觀命互通

楞嚴經卷第十第十葉

却留塵勞恐其銷盡便於此際坐蓮華宮廣化七珍  
多增寶媛縱恣其心生勝解者是人則墮真無真執  
吒和迦羅成其伴侶迷佛菩提亡失知見是名第八  
發邪思因立熾塵果違遠圓通背涅槃城生天魔種  
又善男子窮諸行空已滅生滅而於寂滅精妙未圓  
於命明中分別精粗疏決真偽因果相酬唯求感應  
背清淨道所謂見苦斷集證滅修道居滅已休更不  
前進生勝解者是人則墮定性聲聞諸無聞僧增上  
擗者成其伴侶迷佛菩提亡失知見是名第九圓精  
應心成趣寂果違遠圓通背涅槃城生纏空種又善

男子窮諸行空已滅生滅而於寂滅精妙未圓若於  
圓融清淨覺明叢研深妙即立涅槃而不前進生勝  
解者是人則墮定性辟支諸緣獨倫不迴心者成其  
伴侶迷佛菩提亡失知見是名第十圓覺滄心成湛  
明果遠遠圓通背涅槃城生覺圓明不化圓種阿難  
如是十種禪那中塗成狂因依迷惑於未足中生滿  
足證皆是識陰用心交互故生斯位眾生頑迷不自  
忖量逢此現前各以所受先習迷心而自休息將為  
畢竟所歸甯地自言滿足無上菩提大妄語成外道  
邪魔所感業終墮無間獄聲聞緣覺不成增進汝等

楞嚴經卷第十第十一葉

存心秉如來道將以法門於我滅後傳示末世普令  
眾生覺了斯義無令見魔自作沈孽保綏衰救銷息  
邪緣令其身心入佛知見從始成就不遭歧路如是  
法門先過去世恒沙劫中微塵如來乘此心開得無  
上道識陰若盡則汝現前諸根互用後互用中能入  
菩薩金剛乾慧圓明精心於中叢化如淨琉璃內含  
寶月如是乃超十信十住十行十迴向四加行心菩  
薩所行金剛十地等覺圓明入於如來妙莊嚴海圓  
滿菩提歸無所得此是過去先佛世尊奢摩他中毗  
婆舍那覺明分析微細魔事魔境現前汝能諳識心

垢洗除不落邪見陰魔銷滅天魔摧碎大力鬼神禿  
魄逃逝魑魅罔兩無復出生直至菩提無諸少乏下  
劣增進於大涅槃心不迷悶若諸末世愚鈍眾生未  
識禪那不知說法樂修三昧汝恐同邪一心勸令持  
戒佛頂陀羅尼咒若未能誦寫於禪堂或帶身上一  
切諸魔所不能動汝當恭欽十方如來究竟修進寂  
後垂範阿難即從座起聞佛示誨頂禮欽奉憶持無  
失於大眾中重復白佛如佛所言五陰相中五種虛  
妄為本想心我等平常未蒙如來微細開示又此五  
陰為併銷除為次第盡如是五重誥何為界唯顛如

楞嚴經卷第十第十二葉

未發宣大慈為此大眾清淨心目以為末世一切眾  
生作將來眼佛告阿難精真妙明本覺圓淨非箇死  
生及諸塵垢乃至虛空皆因妄想之所生起斯元本  
覺妙明真精妄以發生諸器世間如演若多迷頭認  
影妄元無因於妄想中立因緣性迷因緣者稱為自  
然彼虛空性猶實幻生因緣自然皆是眾生妄心計  
度阿難知妄所起說妄因緣若妄元無說妄因緣元  
無所有何況不知推自然者是故如來與汝發明五  
陰本因同是妄想汝體先因父母想生汝心非想則  
不能來想中傳命如我先言心想醋味口中涎生心

想登高足心酸起懸崖不有醋物未來汝體必非虛  
妄通倫口水如何因談醋出是故當知汝現色身名  
為堅固第一妄想即以所說臨高想心能令汝形真  
受酸澀由因受生能動色體汝今現前順益違損二  
現驅馳名為虛明第二妄想由汝念慮使汝色身身  
非念倫汝身何因隨念所使種種取像心生形取與  
念相應寤即想心寐為諸夢則汝想念搖動妄情名  
為馳通第三妄想化理不住運運密移甲長髮生氣  
銷容皺日夜相代曾無覺悟阿難以若非汝云何體  
遷如必是真汝何無覺則汝諸行念念不停名為幽

楞嚴經卷十第十三葉

隱第四妄想又汝精明湛不搖處名恒常者於身不  
出見聞覺知若實精真不容習妄何因汝等曾於昔  
年覩一奇物經歷年歲憶忘俱無於後忽然復覩前  
異記憶宛然曾不遺失則此精了湛不搖中念念受  
熏有何籌算阿難當知此湛非真如急流水望如恬  
靜流急不見非是無流若非想元甯受妄習非汝六  
根互用開合此之妄想無時時滅故汝現在見聞覺  
知中串習幾則湛了內罔象虛無第五顛倒微細精  
想阿難是五受陰五妄想成汝今欲知因界淺深唯  
色與空是色邊際唯觸及離是受邊際唯記與忘是


想邊際唯滅與生是行邊際湛入合湛歸識邊際此  
五陰元重疊生起生因識有滅後色除理則頓悟乘  
悟併銷事非頓除因次第盡我已示汝劫波中結何  
所不明再此詢問汝應將此妄想根元心得開通傳  
示將來末法之中諸修行者令識虛妄深厭自生知  
有涅槃不戀三界阿難若復有人徧滿十方所有虛  
空盈滿七寶持以奉上微塵諸佛承事供養心無虛  
度於意云何是人以此施佛因緣得福多不阿難答  
言虛空無盡珍寶無邊昔有眾生施佛七錢捨身猶  
獲轉輪王位况復現前虛空既窮佛土充徧皆施珍

楞嚴經卷第十四葉

寶窮劫思議尚不能及是福云何更有邊際佛告阿  
難諸佛如來語無虛妄若復有人身具四重十波羅  
夷瞋息即經此方他方阿鼻地獄乃至窮盡十方無  
間靡不經歷能以一念將此法門於末劫中開示未  
學是人罪障應念銷滅變其所受地獄苦因成安樂  
國得福超越前之施人百倍千倍十萬億倍如是乃  
至算數譬喻所不能及阿難若有眾生能誦此經能  
持以呪如我廣說窮劫不盡依我教言如教行道直  
成菩提無復魔業佛說此經已比丘比丘尼優婆塞  
優婆夷一切世間天人阿修羅及諸他方菩薩二乘



聖佛童子并初發心大力鬼神皆大驩喜作禮而去  
大佛頂如來密因修證了義諸菩薩萬行首楞嚴經  
卷第十



楞嚴書竟敬題二首奉呈夫子並海內外諸長者

居士於時南湖新月正流照寫經室牕戶也

寓藏惶悚真心住啟請教勤道力全無漏頓修三妙  
學空華盡縛一狂緣五重熾熾實驚怖百億浮漚決  
弃捐失笑振亭指明月更從是處見林泉  
十方塵象法輪轉八部天龍大眾俱擁護沈冥生覺  
海思維窮露獲明珠翹誠淚雨宣神呪頂禮迷雲霽  
聖湖發猛回舒金色臂楞嚴成就首浮圖

己酉浴佛日芝瑛初稟



宣統元年浴佛日印行

必	翻	所	版
究	印	有	權

大佛頂首楞嚴經下冊

卷第六  
至第十  
定價銀洋叁圓


寫經者桐城女子吳芝瑛

發行所  
蘇浙  
江省  
西  
湖  
一  
橋  
小  
萬  
柳  
堂

寄售處  
北京  
上海  
漢口  
廣東  
文明書局  
天津  
奉天



70062789



石	文
版	寶
印	書
刷	局

